

Siunnersuummut oqaaseqaatit

Oqaaseqaatit nalinginnaasut

1. Aallaqqaasiut

1.1. Piffissaq akitsuutit akilerneqartussanngorfiat

Kalaallit Nunaata umiarsuarnit angallavigineqartarnera ukiuni 50-inngajanni Aalborg Havnimiit ("Grønlandshavnen") pisarpoq. Royal Arctic Line A/S (RAL) Namminersorlutik Oqartussanit pigineqarpoq, Namminersorlutillu Oqartussat RAL Kalaallit Nunaannut Kalaallillu Nunaannit aammalu Kalaallit Nunaanni illoqarfiit nunaqarfiillu akornanni nassiussanik imaatigut assartuineramik kisermaassilluni ingerlataqartussatut akuerisaraat.

Royal Arctic Line-ip Aalborgimi "Grønlandshavn"-iusimasoq nammineq ingerlassimavaa, nassiussanillu assartuineq taamaallaat Danmarkip Kalaallillu Nunaata akornanni pisimavoq. Nassiussanik Danmarkimiit umiarsuakkut nassiussisarneq ulloq 1. juli 2022 aallarnerfigalugu Aarhus Havnimi Eimskip-ip eqqaanit pisalerpoq.

Umiarsuit ingerlaarfiinik nutarterisoqarneratigut umiarsuit Imarpikoorutit Danmarkip Kalaallillu Nunaata akornanni, aqputaani assersuutigalugu Island akunniffigisarlugu uteqattaaginnaratik maanna aamma periarfissaqalerput nassiussanik – Kalaallit Nunaannukannikkaluarlutik – Skandinaviap aamma soorlu Islandip akornanniinnaq assartuinissamut.

Pissutsit taakku allannguutaasa pisariaqalersippaat piffissap akitsuutit akilerneqartussanngorfiata nutaamik nalilersorneqarnissaa.

Tamanna tunngavigalugu siunnersuutigineqarpoq akitsuutit akilerneqartussanngorfiat Danmarkip Kalaallillu Nunaata akornanni ingerlaarfiusumi umiarsualiviinnut, umiarsuit Danmarkimiit Kalaallit Nunaat ornillugu aallarfiinut tamanut assigiissarneqassasoq.

1.2. Nammineq atugassanik eqqussisinaanermut ataasiartumik akuersissutit

Atuisartut immiaaqpanik, viinninik imigassanilluunniit kimittuunik najukkaminni pisiniarfini nioqqutigineqanngitsunik pisisinnaanerat inatsisinit maanna atuuttunit killiligaavoq. Inuussutissarsiutinik ingerlataqartut kisimik nioqqutissanik tamakkuninnga eqqussuinissamut akuersissummik, Nioqqutissanik eqqussuineq annissuinerlu pillugit Inatsisartut inatsisaat naapertorlugu tunineqarsinnaapput.

Immiaaqpanik, viinninik imigassanillu kimittuunik eqqussuinissamut akuersissutaasut maanna 42-t missaanniipput.

Nunami maani innuttaasut immiaaqpanik, viinninik imigassanillu kimittuunik qinigassaqarnissaat Naalakkersuisut killilersorniannigilaat. Qinigassat amerlisikkumallugit

iluiusissaq naleqqunnerpaasorinartoq tassaavoq maleruagassanik maanna atuuttunik allannguissaq, piumasaqaatit aalajangersimasut naammassinerisigut inuit immiaaqqanik, viinninik imigassanillu kimittuunik nammineq atugassaminnik eqqussisinnaanngortillugit.

Immiaaqqanik, viinninik imigassanillu kimittuunik atuneq siunnersuutikkut annertunerulersinniarneqanngilaq. Taamaammat atuisartut ataasiakkaat nammineerlutik immiaaqqanik, viinninik imigassanillu kimittuunik nunani allani pisinerisigut immiaaqqat, viinnit imigassallu kimittuut malunnaatilimmik akikillinissaat siunnersuutikkut anguniagaanngilaq. Taamaalioraluaaraanni nunami maani peqqinnissaq aamma imigassat aalakoornartut pillugit politikikkut anguniakkat siunertaarutissapput. Aammali nioqqutissat aalakoornartumik akullit ilaasa ingasattumik iluanaarutigineqarsinnaanerannik attassiinnarnissaq inatsisissatut siunnersuutip aqquissiuusseqataaffigisariaqanngilaa. Mianerisassat taakku imminnut assortuussorinartut naligiimmik pineqarnissaat siunertaralugu tapiliussatut akitsuummik akiliisoqartarnissaa inatsisissatut siunnersuutikkut anguniarneqarpoq.

Kiisalu nammineq atugassanik killeqanngivissumik eqqussisinnaanermik periarfissiisoqaralarpat tamanna aningaasaliissutit malunnaatilimmik amerlineqarnissaannik kinguneqartariaqassasoq nalilerneqarpoq, tassa akitsuutitigut isertitassaagaluit mangiarneqaratarsinnaanerak akiorniarlugu nakkutilliinerup annertusinissaanut atugassanik. Taamaattumik siunnersuutigineqarpoq akuersissutinik tunniussisarneq atortiinnarneqassasoq, taamaaliornikkut inuit immiaaqqanik, viinninik imigassanillu kimittuunik nammineq atugassaminnik eqqussisinnaanermut akuersissutinik ataasiakkaartumik tunineqartarsinnaanngorlugit.

Imigassat aalakoornartut maanna Nunatsinni akisoorujussuupput. Tassunga ilaatigut akitsuutit ilaatigullu niuertarfiit iluanaarutaat pissutaapput. Atuisartut nioqqutissanik taakkuninnga nunani allani pisinermikkut niuertarfiit iluanaarutissaat sipaartassavaat, assartuinermi aningaasartuutit nammineerlutik akilernerisigut. Imigassanik aalakoornartunik atuneq annertusisikkumanagu siunnersuutikkut atuutilersinniarneqarpoq immiaaqqanik, viinninik imigassanillu kimittuunik nammineerluni eqqussuinermi tapiliussatut akitsuut. Tapiliussatut akitsuutip agguaqatigiissillugu matussusissavai atuisartup nioqqutissat nunami maani pisiarisinnaasaasa aamma nunanit allanit nammineerluni eqqussorsinnaasaasa akiisa nakingassutaat. Tassanili immiaaqqat pineqanngillat, immiaaqqanimmi puiaasaqqani, puiaasaqqanik utertitsisarnermik aqqissuussinermi utertinneqarsinnaasunut ilaanngitsuniittunik Nunatta Kitaani nioqquteqarsinnaaneq maannamut inerteqqutaammat. Immiaaqqat Nunatta Avannaanut Nunattalu Kanganut eqqussorneqartut akitsuutinut maleruagassat immikkut ittut naapertorlugit akitsuusersugaammata taakku tunngavigalugit misissuisoqarsinnaanngilaq.

Immiaaqpanik, viinninik imigassanillu kimittuunik nammineq atugassanik eqqussuisinnaanerup qinnuteqartitsisarnikkut pisartussap eqqussuinermit akitsuutit akilerneqarnissaat qulakkiissavaa. Taamatut aqqissuussigaluarluni nioqputissanik tamakkuninnga anngiortumik eqqussuinerup annertuumik qaffannissaa pinaveersaarniarlugu naammaginarumik nakkutilliisoqarnissaa pisariaqassaaq. Tamanna allaffissornermi nakkutilliinermilu sulisut amerlisilaarnerisigut pisinnaassasoq ilimagineqarpoq. Taamaattumik akileraaruseriffiup allaffissornerunermut aningaasartuutai matussuserniarlugit sullissinermut ataatsimut akiliummik atuutilersitsinissaq siunnersuutaavoq.

1.3. Tikinnermi akitsuusiisitsinnaaneq

Taassuma saniatigut siunnersuutip imaraa timmisartunut ilaasut nunamut maanga tikinnerminni nioqputissanik akitsuusigassaasunik akitsuusiisitsinnaanissaannik periarfissiinissaq, taamaaliornissamut periarfissat apeqqutaatillugit. Immiaaqqat, viinnit imigassallu kimittuut eqqarsaatigalugit nammineq piumassutsimik akitsuusiisitsisarnissami annertussusissanut killiliunneqarpoq timmisartumut ilaasut tikinnerminni akitsuuteqanngitsumik eqqussinnaasaasa tallimariaataat. Siunnersuutikkut atuutilersinniarnearput timmisartoqarfinni aniffissat aappaluttut qorsuillu, Københavns Lufthavnimi nunallu allat timmisartoqarfiini, timmisartut nunanit allaneersut miffigisartagaanni atugaasut assingi.

1.4. Inatsisinut periutsinut tunngatillugu allannguinerit il.il.

Siunnersuut inatsimmi allassimasut arlaqartut allannguutaannik kiisalu akitsuutit piffissaagallartillugu akilerneqanngippata nioqputissat qaqugukkut tigummigallarneqartarnissaat pillugu maleruagassat erseqqissarneqarnerannik imaqarpoq.

Kiisalu aalajangersakkap nutaap, Naalakkersuisut akitsuutinik utertitsisarneq pillugu maleruagassanik erseqqinnerusunik aalajangersaanissamut piginnaatinneqarnerannik erseqqissaasup ilanngunneqarnissaa siunnersuutaavoq.

1.5. Inatsisip kalaallisuuani naqqiinerit

Inatsimmi aalajangersakkani marlunni kalaallisut oqaasertanik naqqiinerit siunnersuutigineqarput.

2. Siunnersuutip imarisai pingaarnerit

2.1. Piffissaq akitsuutit akilerneqartussanngorfiat

Royal Arctic Line A/S-ip Aalborg Havnimiit aallartarneq 22. juni 2022-mi asooruppa. Taamaalluni Grønlandshavnen Aalborgimiittoq atorneqarunnaarpoq. Nassiussanik Danmarkimiit umiarsuakkut nassiussisarneq 1. juli 2022-mi Eimskip-ip Aarhus Havn-imi eqqaanit pisalerpoq.

Umiarsuit ingerlaarfiinik nutarterisoqarneratigut umiarsuit Imapikoorutit Danmarkip Kalaallillu Nunaata akornanni, aqputaani assersuutigalugu Island akunniffigisarlugu uteqattaginnaratik maanna aamma periarfissaqalerput nassiussanik – Kalaallit Nunaannukannikkaluarlutik – Skandinaviap aamma soorlu Islandip akornanniinnaq assartuinissamut.

Tamanna tunngavigalugu siunnersuutigineqarpoq akitsuutit akilerneqartussanngorfiat Danmarkip Kalaallillu Nunaata akornanni ingerlaarfiusumi umiarsualiviinnut, umiarsuit Danmarkimiit Kalaallit Nunaat ornillugu aallarfiinut tamanut assigiissarneqassasoq.

Nassiussat nioqqutissalluunniit Kalaallit Nunaanni akitsuuteqarfiusumut eqqunneqartutut isigineqaleriissapput nassiussat nioqqutissalluunniit umiarsuarmut Danmarkimiit Kalaallit Nunaannukarluni aallartussamut usilersuunneqarneranni. Tassa akitsuutit akilerneqartussanngussapput nassiussat nioqqutissalluunniit umiarsuarmut ikineqarneranni. Tamanna aamma atuuppoq nassiussanut nioqqutissanulluunniit, umiarsuup Danmarkmiit Kalaallit Nunaannukartup ingerlaarfimmi ilaani, soorlu Sverigemut, Norgemut, Savalimmiunut Islandimulluunniit aqqusaarnermini usiliussaanut. Tassa imaappoq akitsuutit akileraaruseriffimmut nalunaarutigineqassapput nassiussat nioqqutissalluunniit usilersuunneqarnerat peqatigalugu.

Nassiussat nioqqutissallu umiarsuarnut mikinerusunut usilersuuteqqinneqartarnerat Islandimi amerlanertigut pisartussaavoq. Tamanna soorlu pisinnaavoq ornitassanut Kalaallit Nunaata Kangianiittunut assartuinissami. Nassiussanut akitsuusertinneqareersunut nioqqutissanulluunniit akitsuusertinneqareersunut, umiarsuup Danmarkimi umiarsualiviit arlaanni imaluunniit ingerlaarfiup ilaani, soorlu Islandip tungaanut aqputaani usiliussimasaanut tunngatillugu allanngortitsisoqassanngilaq. Nassiussat nioqqutissalluunniit umiarsuarnut mikinerusunut, assersuutigalugu Reykjavikimi usilersuunneqartut akitsuusigassaanerannut tunngatillugu imaappoq, akitsuutit akilerneqartussanngussallutik Kalaallit Nunaanni akitsuuteqarfiusumut eqqunneqarneranni, tassa imaappoq angallatip Kalaallit Nunaannut tikinnerani.

Nunarsuup ilaanit allanit nassiussat, soorlu USA-mit Canadamillu amerlanertigut Island aqqusaarlugu Kalaallit Nunaannut tikittartut aatsaat akitsuuserneqartussanngussapput nassiussat nioqqutissalluunniit usilersuuteqqinneqarsimasut Kalaallit Nunaannut tikinneranni.

Akitsuutinik allannguinerne piffissaq usilersorfiusoq, akitsuusigassat nalunaarutigineqarfissaa-
sa ilutigisaat, umiarsuarnut Kalaallit Nunaat ornillugu aallartunut tunngatillugu aalajangiisuu-
voq. Akitsuutinik allannguneq ullormi sugaluarnersumi nalunaaqutaa taanagu atortuulerpat,
taava akitsuusigassanik nalunaarutiginninnerit ullormi tassani unnuap-qeqqareersoq
nassiunneqarpata nioqqutissat, akitsuutit pillugit aalajangersakkat allanngortitat malillugit
akitsuusigassaassapput.

Akitsuutit akilerneqartussanngorfiat pingaarnertut suli tassaavoq piffissaq akitsuuteqarfiusumut eqqussiffik. Nassiussat nioqqutissalluunniit timmisartukut nassiussat maleruagassami pingaarnermi pineqartunut ilaapput, tassa imaappoq nioqqutissat Kalaallit Nunaannut tikiunneqarneranni akitsuusigassatut nalunaarutigineqassapput. Timmisartuq akitsuutit allannguutaat atortuulereersut (soorlu nalunaaqutaanik taasaqartoqarsimangippat unnuap-qeqqa killigalugu) tikippat nassiussat nioqqutissalluunniit, akitsuutit pillugit aalajangersakkat allanngortitat malillugit akitsuusigassaassapput.

Pingaarnertut maleruagassami pineqartunut ilaanngillat Kalaallit Nunaata illersorneqarnissaa pillugu isumaqatigiissut 27. april 1951-imeersoq naapertorlugu illersornissamut sakkutooqarfiusut.

Pingaarnertut maleruagassami ilaanngitsut aamma tassaapput umiarsuit Danmarkimiit Kalaallit Nunaannukarlutik aallartut. Nassiussat nioqqutissalluunniit umiarsuarnut Danmarkimiit Kalaallit Nunaannukarlutik aallartunut usilersuunneqartut akitsuutaat akilerneqartussanngoriissapput nassiussat nioqqutissalluunniit umiarsuarmut ikineqarneranni.

Tamanna aamma atuuppoq nassiussanut nioqqutissanullu, umiarsuup ingerlaarfimmi ilaani, soorlu Sverigemut, Norgemut, Savalimmiunut Islandimulluunniit aqqusaarnermini usiliusnaanut. Nassiussat nioqqutissallu umiarsuarnut mikinerusunut usilersuuteqqinneqartarnerat Islandimi amerlanertigut pisartussaavoq. Akitsuutit akileraaruseriffimmut nalunaarutigineqassapput nassiussat nioqqutissalluunniit usilersuunneqarnerat/umiarsuarmut allamut usilersuunneqarnerat peqatigalugu.

Taamaattumik nunarsuup ilaanit allanit nassiussat, soorlu USA-mit Canadamillu amerlanertigut Island aqqusaarlugu Kalaallit Nunaannut tikittartut akitsuuserneqartussanngussapput nassiussat nioqqutissalluunniit umiarsuarmut, umiarsuit Danmarkimiit Kalaallit Nunaannukarlutik aallarsimasut siusinnerusukkut taaneqartut arlaannut usilersuuteqqinneqarpata.

Nioqqutissanik eqqussuineq annissuinerlu pillugit Namminersorlutik Oqartussat nalunaarutaannik nutaamik atuutilersitsinissaq matuma kingorna pisariaqalissaaq, tassani ”Grønlandshavnen” nalunaarummit peerlugu aammalu akitsuutit akilerneqartussanngorfiat allanngortillugu.

2.2. Nammineq atugassanik eqqussisinaanermut ataasiartumik akuersissutit Inuit 18-inik ukiullit ukioqqortunerusulluunniit immiaaqqanik, viinninik imigassanillu kimittuunik ethanolimik akulinnik nammineq atugassanik nassiussisoqarnerani eqqussuinissamut akileraaruseriffimmit ataasiartumik akuersissuteqarfineqartarnissaat siunnersuutigineqarpoq.

18-inik ukioqalersimanissamik piumasaqaat nunami maani imigassanik aalakoornartortalinnik nioqquteqarnermi ukiussarititaasunut naapertuuppoq.

Inuussutissarsiutinik ingerlataqartut immiaaqqanik, viinninik imigassanillu kimittuunik tuniniaaqqinnermik ingerlataqartut maannamutuulli akuersissutinik piffissami sivisunerusumi atuuttunik tunineqartassapput. Siunnersuut aamma inuussutissarsiutinik ingerlataqartut akitsuutinik akiliinissaat, matumani aamma inuussutissarsiutinik ingerlataqartut akitsuutinik aki liinissamat atatillugu piffissaliussat sivitsorneqarnissaannik akuerineqarsinnaanerannut tunngasut pillugit maleruagassanik atuuttunik allannguaviangilaq.

Inuilli ataasiakkaat nassiussat ataasiakkaarlugit akuersissummik taamaallaat tunineqarsinnaassapput. Nioqqutissanik tiguisussap nassiussat assartuisumit tiguppagit akuersissut atorun naassaaq. Kiisalu akitsuutaat akuersissummik tunineqanginnermi akileraaruseriffimmut akilerneqassapput. Killiliussat taakku siunertaraat nioqqutissanik pineqartunik anngiortumik eqqussiniarsinnaanerup killilersimaarnissaa aammalu akitsuutinik akiligassiisarnermi allaffissornerup killilersimaarnissaa. Akitsuutinut akiliivallaartoqarsimanera akiliinikipallaartoqarsimaneluunniit kingusinnerusukkut paasineqarpat, nioqqutissat eqqunneqarnerannut atatillugu taanna iluarsineqassaaq.

Maleruagassani taamaallaat pineqarput nioqqutissat umiarsuakkut timmisartukkulluunniit nassiunneqartut imaluunniit allakkerisarfik aqputigalugu eqqunneqartut. Inuit maanga tikinnerminnut atatillugu nioqqutissanik pineqartunik nassarsinnaanerannut akuersissutinik tunniussisoqarsinnaangilaq. Timmisartunut ilaasut tikinnerminni nammineq piumassutsimik akitsuusiisitsisarnissamat matuma peqatigisaanik periarfissinneqarput.

Akuersissummik tunniussinermi apeqqutaangilaq nioqqutissat sumi pisarineqarnerisut, kinalu nassiussanik nassiussisuunersoq. Assersuutigalugu inuk Ungarnimut feriarnermini viinninik karsinik arlalinnik pisisimaguni Kalaallit Nunaanni najukkaminut allakkerisarfik aqputigalugu nassiunniakkaminik, taava akileraaruseriffik akuersissummik pisariaqartumik tunniussisinnaavoq pineqartup tamatuminna qinnuteqaat nassiuppagu viinnillu akitsuutaat akilerpagit. Qinnuteqarnermi elektroniskiusumik immersuiffissaq Sullissivikkut iserfissamiissaaq.

Ataasiartumik akuersissuteqarfigineqarnissamik qinnuteqartoq qinnuteqaatip tunniunnerani sullissinermut akiliummik 250 kr.-iusumik kiisalu akitsuutinut tapiliussamik, eqqussuinnermi akitsuutit naatsorsorneqartut 50 pct.-iattut angitigisumik akiliissasoq siunnersuutaavoq.

Sullissinermut akiliutip qinnuteqaammut aatsimut 250 kr.-iunera nammineerluni eqqussuinissami ataatsimi eqqunniakkat annertujaajutinnissaannik orniginarnerutitsissasoq aammalu annikitsuinnarnik eqqussiniarluni ataasiartumik akuersissuteqarfigineqarnissamik

qinnuteqaatit amerlasuujunissaannik killilersimaarinninnissaa naatsorsuutigineqarpoq. Sullissinnermut akiliut akileraaruseriffiup akuersissuteqartarnermik aaqjissuussamik isumaginninnerani allaffissornerunermut aningaasartuutitut matussusiisussatut naatsorsuussaavoq.

Tapiliussatut akitsuutip siunertarai nioqqutissat Kalaallit Nunaanni niuertarfinni nioqqutigineqarneranni akiisa nioqqutissallu nammineq eqqussukkat akiisa assigiinngissutaannik nalimmassaanissaq, tassuunakkut imigassamik aalakoornartumik atuinerup qaffannissaa pinngitsoortillugu aammalu tuniniaaqjinnissaq siunertaralugu nalinginnaasumik eqqussuinerup saniatigut eqqussuisoqarnissaa killilersimaarlugu.

Akitsuutit 2019-ip ukiaani kingullermik qaffanneqarmata imigassat kimittuut literimut 35,10-miit 45,09 volumenprocentimik aalakoornartortallit eqqussuinerimi akitsuutaat literimut 361 kr.-iniit 397 kr.-inut qaffanneqarpoq, tassa imigassat kimittuut literimut akitsuutaasa 10 pct.-iannut naapertuuttumik.

Assersuutigalugu whiskymik eqqussuinerimi tapiliussatut akitsuut 198,50 kr.-iussaaq, tassa imigassap 40 pct.-imik aalakoornartortallip literimut eqqussuinerimi akitsuutaata 397,00 kr.-iusup 50 pct.-ianut naapertuuttoq. Tapiliussatut akitsuut whiskyp Nuummi niuertarfinni akiata aamma nammineq eqqussuinerimik akiata nikingassutaannik nalimmassaaqataassaaq.

2.2.1. Assersuutitut naatsorsuinerit

Skemami quppernerup uuma tullianiipput assersuutitut naatsorsuinerit, imigassat kimittuut viinnillu assigiinngitsut ilaasa nalinginnaasumik akii aallaavigalugit naatsorsukkat.

Assersuutini nammineq eqqussukkat ataatsimut, arfinilinnut, aqqaneq-marlunnut, $\frac{1}{2}$ m³-imut (kubikmeter) aamma 1 m³-imut akiat kisitsisit uku atorlugit missingerneqarpoq: Danmarkimi akitsuutit ilanngunnagit akia + Kalaallit Nunaanni akitsuutit + 50 pct. tapiliussatut akitsuut + sullissinnermut akiliut 250 kr.-it.

Imigassat aalakoornartut suuneri skemami nalunaarsorneqarput, soorlu gin, likør il.il. aamma viinninut tunngatillugu rød, rose imaluunniit hvid. Allat ataani assersuutitut ilanngunneqarput mousserende vine aamma champagne. Nioqqutissat taamatut atsersorneqarput, tassami niuertarfit paasissutissaataat atorneqarmata. Akit tassaapput piviusut 2023-imi upernaakkut pissarsiarineqartut.

Akitsuutit akillu ataatsip akigai, tassa imaappoq puiaasamut, assigiinngitsunik imaqqortussusilimmut, soorlu 10 CL, 25 CL, 50 CL, 70 CL aamma 75 CL, imaluunniit BIB, tassaasoq Bag-in-Box (kartonngi), tassa imaappoq viinni 300 CL-itut tuniniagaq.

	Akitsuut	Ataaseq	Arfinillit	Aqqaneq- marluk	½ m ³	1 m ³	Niuert- arfinni Akiat	Iluanaarut
IMIGASSAT KIMITTUUT								
GIN 43,1% 70 CL	277,90	1022,05	583,72	539,88	501,90	501,16	799,95	124%
GIN 40% 70 CL	277,90	1048,83	610,50	566,66	528,68	527,94	649,00	69%
COGNAC 40% 70 CL	277,90	1122,42	684,09	640,25	602,27	601,53	649,00	42%
WHISKY 40% 70 CL	277,90	1013,87	575,54	531,70	493,72	492,98	449,95	29%
WHISKY 40% 70 CL	277,90	1022,59	584,26	540,42	502,44	501,70	469,00	31%
TEQUILA 38% 50 CL	198,50	889,85	451,52	407,68	369,70	368,96	349,95	32%
TEQUILA 38% 50 CL	198,50	876,29	437,96	394,12	356,14	355,40	329,00	31%
BITTER 38% 35 CL	107,80	712,83	274,50	230,66	192,68	191,94	189,00	42%
BITTER 38% 10 CL	30,80	594,11	155,78	111,94	73,96	73,22	95,95	82%
ROM 35% 70 CL	215,60	916,03	477,70	433,86	395,88	395,14	409,95	45%
VODKA 37,5% 70 CL	277,90	999,74	561,41	517,57	479,59	478,85	399,95	19%
VODKA 30% 70 CL	177,10	824,75	386,42	342,58	304,60	303,86	319,00	52%
SHOTS 30% 70 CL	177,10	867,25	428,92	385,08	347,10	346,36	289,00	14%
HEDVIINNIT								
PORTVIN 20% 75 CL	120,75	771,60	333,26	289,43	251,44	250,71	199,00	7%
PORTVIN 19% 75 CL	120,75	738,60	300,26	256,43	218,44	217,71	251,95	66%
LIKØR 17% 70 CL	87,50	744,58	306,25	262,41	224,43	223,69	229,95	32%
VIINNIT								
RØD 15% 75 CL	75,75	675,74	237,40	193,57	155,58	154,85	219,95	97%
RØD 15% 75 CL	75,75	738,52	300,18	256,35	218,36	217,63	239,00	37%
RØD 14,5% 75 CL	75,75	729,99	291,65	247,82	209,83	209,10	229,00	38%
RØD 14% 75 CL	75,75	690,47	252,13	208,30	170,31	169,58	189,00	49%
ROSE 14% 75 CL	75,75	666,36	228,02	184,19	146,20	145,47	199,95	95%
HVID 14% 75 CL	75,75	666,36	228,02	184,19	146,20	145,47	199,95	95%
HVID 14% 75 CL	75,75	674,49	236,15	192,32	154,33	153,60	190,95	73%
RØD 13% 75 CL	54,38	629,61	191,28	147,45	109,46	108,73	159,00	108%
RØD 13% 75 CL	54,38	620,35	182,02	138,19	100,20	99,47	149,00	122%
RØD 11,5% 75 CL	54,38	635,08	196,75	152,91	114,93	114,19	179,95	120%
ROSE 11% 25 CL	15,38	559,18	120,85	77,02	39,03	38,30	50,95	100%
HVID 11% 75 CL	46,13	620,71	182,37	138,54	100,55	99,82	130,95	83%
HVID 11% 75 CL	46,13	624,45	186,11	142,28	104,29	103,56	153,95	104%
BIB								
RØD 14% 300 CL	303	1063,60	625,27	581,43	543,45	542,71	599,00	55%
RØD 13% 300 CL	217,5	907,84	469,51	425,67	390,00	388,98	439,00	61%
RØD 13% 300 CL	217,5	912,12	473,79	429,95	394,28	393,26	399,00	44%
HVID 12,5% 300 CL	217,5	895,37	457,04	413,20	377,53	376,51	455,00	75%
ALLAT								
CHAMPAGNE 12% 75 CL	54,38	859,38	421,05	377,22	339,23	338,50	504,95	65%
MOUSSERENDE 12% 75 CL	54,38	652,47	214,14	170,31	132,32	131,59	183,95	85%
MOUSSERENDE 7,5% 75 CL	35,44	609,27	170,93	127,10	89,11	88,38	149,95	129%
FRIZZANTE 5,5% 75 CL	24,75	597,74	159,40	115,57	77,58	76,85	152,95	158%

2.3. Tikinnermi akitsuusiisitsisinnaaneq

Timmisartumut ilaallutik nunamut maanga tikittut nioqqutissanik akitsuusigassanik nammineq atugassaminnik nassarsinnaallutillu nammineq piumassutsiminnik akitsuusiisitsisinnaanissaat siunnersuutigineqarpoq. Tassani pineqarput nioqqutissat tikinnermi akitsuuteqanngitsumik eqqunneqarsinnaasut saniatigut eqqunniakkat.

Siunertarinngikkaluarlugu anngiortumik eqqussuisoqarnissaa siunnersuutikkut pinngitsoortinniarneqarpoq. Siunnersuutikkutaaq pinngitsoortinniarneqarpoq timmisartumut ilaalluni tikinnermi nioqqutissanik akitsuusigassanik eqqussuinerup annertuserujussuarnissaa.

Timmisartunut ilaasut 18-inik ukioqalereersimasut immiaaqqat, hedviinnit, imigassat kimittuut, sikaritsit tupallu allat tikinnermi akitsuuteqanngitsumik eqqunneqarsinnaasut taallimariaataat tikillugit nioqqutissanik akitsuusigassanik tikinnermi akitsuusiisitsisinnaanissaat siunnersuutaavoq.

Timmisartunut ilaasut assersuutigalugu sikaritsit 200-t maleruagassat maanna atuuttut malillugit akitsuuteqanngitsumik nassarsinnaavaat. Tikinnermi nammineq piumassutsimik akitsuusiisitsisinnaanerup ilaasoq sikaritsinik katillugit 1000-inik nassarnissamut periarfissippaa, taakkunannga sikaritsit 200-t akitsuuteqanngitsumik nassarsinnaallugit sinnerilu 800-t tikinnermi nammineq piumassutsimik akitsuusertillugit.

Nammineq piumassutsimik akitsuusiisitsinermi eqqussuinermi akitsuutit aamma sullissinermut akiliut akilerneqassapput.

Sullissinermut akiliutip siunertaraa nammineq piumassutsimik akitsuusiisitsinermik suliassat amerlassusiinik killilersimaarinninnissaq, tassami nammineq piumassutsimik akitsuusiisitsinermik suliassat ima piffissamik atuiffiulersinnaammata ilanngaaserisut suliamik pingaarnersaannik, tassalu nakkutilliinermik suliaqarnissaminut piffissakillissallutik.

Nunani allani timmisartoqarfinnilu amerlasuuni nunanit allaniit ilaasunik tikiffiusartuni pissutsit assigalugit siunertarineqarpoq timmisartoqarfittaassat ima sularineqassasut, ilaasut timmisartoqarfimmik qimatsilernerminni "anisarfik qorsuk" aamma "anisarfik aappaluttoq" aqqusaarlugit anisassallutik.

Timmisartumut ilaasut ataasiakkaat nammineq aalajangissavaat "anisarfik qorsuk" imaluunniit "anisarfik aappaluttoq" aqquutigalugu timmisartoqarfik qimassanerlugu.

Timmisartumut ilaasoq "anisarfik qorsuk" aqquutigalugu aniniaruni, taava ilaasup nioqqutissanik akitsuusigassanik nassataqannginnini tassuunakkut paasitissavaa. Taamaattumik ilaasup "anisarfik qorsuk" aqquutigalugu aninermini taamaallaat

nassarsinnaavai nioqqutissat akitsuusigassat, tikinnermi akitsuuteqanngitsumik eqqunneqarsinnaasutut annertussusillit, maleruagassat tamatumunnga tunngasut malillugit aalajangersagaasut.

Timmisartumut ilaasoq ”anisarfik qorsuk” aqutigalugu anippat, taavalu ilaasup nassataasalu misissornerqarneranni paasineqarpat nioqqutissat akitsuusigassat tikinnermi akitsuuteqanngitsumik nassarneqarsinnaasut sinnerlugit nassarsimasoq, taava ilaasoq unioqqutitsinini pillugu pillaammik, nalinginnaasumik akitsuutit akilinngitsuukkat marloriaataattut angissusilimmik aamma sullissinermut akiliummik akileeqquneqassaaq. Taakku saniatigut ilaasup nioqqutissat eqqussuinermi akitsuutaat akilersinnaavai nioqqutissallu nunamut maanga eqqullugit. Ilaasup eqqussuinermi akitsuutit akilerumannigippagit nioqqutissat arsaarinnissutigineqassapput. Nioqqutissat arsaarinnissutigineqaraluarpataluunniit ilaasoq sullissinermut akiliummik akileeqquneqassaaq. Pillaammik akiliisitsissut ilaasup aamma tunngaviatigut avaqqussinnaangilaa. Kisianni nioqqutissat pineqartut annertunngippata imaluunniit akitsuutit aningaasartaat amerlanngippata akileraaruseriffik pillaammik akiliisitsinngissinnaavoq.

Timmisartumut ilaasoq ”anisarfik aappaluttoq” aqutigalugu aniguni, taava ilaasup tikinnermi akitsuuteqanngitsumik nassarneqarsinnaasut saniatigut nioqqutissanik akitsuusigassanik nassarlini, taakkuninngalu nammineq piumassutsimik akitsuusiisitsiniarluni tassuunakkut paasitissavaa. Timmisartumut ilaasoq nioqqutissat taakku eqqussuinermi akitsuutaannik aamma sullissinermi akiliummik akileeqquneqassaaq.

Ilaasoq nioqqutissat, ilaat akitsuuteqanngitsumik ilaallu nammineq piumassutsimik akitsuusertillugit eqqunneqarsinnaasut tamarmiusut sinnerlugit nioqqutissanik akitsuusigassanik nassarlini ”anisarfik aappaluttoq” aqutigalugu anippat, taava akileraaruseriffiup pillaammik akiliisitsinani nioqqutissat amerlavallaarutaasut arsaarinnissutigissavai, aatsaalli nioqqutissat pineqartut anngiortumik eqquteriaraluarnegannigippata. Anngiortumik eqqusseriaraluarqarneranik naliliinermi akileraaruseriffiup isiginiarsinnaavaa, ilaasoq taassumaluunniit angalaqataa nammineq piumassutsimik akitsuusiisitsiniarluni ilitserorneqarnissani pillugu saaffiginninersoq nioqqutissallu nassarneqartut tamaasa nalunaarutiginerai.

Ilaasoq ”anisarfik aappaluttoq” aqutigalugu anippat, nioqqutissallu akitsuusigassat tamarmiusut annertussusiat nipangiullugu, taava akileraaruseriffiup nalilissavaa tamanna anngiortumik eqqusseriaraluarnersooq. Akileraaruseriffik naliliippat tamanna anngiortumik eqqusseriaraluarnersooq, taava anngiortumik eqquteriaraluarnegartunut tunngatillugu pillaammik akiliisitsisarneq arsaarinnissuteqartarnerlu pillugit maleruagassat atuutissapput.

Timmisartunut ilaasut nammineq piumassutsimik akitsuusiisitsiniarnermi aamma anngiortumik eqqussinermit sullissinermit akiliummik akiliinissaat siunnersuutigineqarpoq. Sullissinermit akiliut Naalakkersuisut angissusilissavaat.

Inatsimmi maleruagassat atuuttut naapertorlugit akiliisitsinermit pineqaatissiinerit eqqartuussisut piginnaatitsissutigaat.

Akileraaruseriffiup maannamut periaaserisaa, eqqartuussisut periaasiinik ilaatigut tunngaveqartoq malillugu pillaammik akiliisitsisoqassatillugu 500 kr.-it minnerpaaffissaliunneqarput. Pillaammik akiliisitsinermit angissusiliussaavoq eqqussuinermit akitsuutit akilinnngitsoorneqartut marloriaataat, aammalu arlaleriarluni pineqaatissinneqarnermit tassalluni akitsuutit akilinngitsoorneqartut pingasoriaataat. Pillaammik akiliisitsissut eqqussuinermit akitsuutit akilinngitsoorneqartut pingasoriaatigisaat aamma atorneqartarpoq nioqutissat anngiortumik eqqunneqartut tuniniaqqinnissaat siunertaralugu eqqunneqarsimasutut isigineqarpata. Taavalu pillaammik akiliisitsissutit 50 kr.-inut qaninnernut ammut akunnaallineqartarput. Inatsisissatut siunnersuut akuersissutigineqassappat periaaseq taanna pingaarnertigut ingerlatiinnarneqassasoq naatsorsuutigineqarpoq.

Akerlianilli arsaarinnissuteqartarnek pillugu maleruagassat periaaserlu allanngortinneqarput. Timmisartumut ilaasup eqqussuinermit akitsuutit akilerangagit arsaarinnittoqassaassaaq, taanna "anisarfik qorsuk" imaluunniit "anisarfik aappaluttoq" aqutigalugu aninersoq apeqqu-taatinngu, aatsaalli nioqutissat annertussusii pineqartut eqqunneqarsinnaasunut killiliussanit annertunerunngippata, tak. § 35 a-mut nutaamut siunnersuut (siunnersuummi nr. 7). Ilaasup eqqussuinermit akitsuutit akilerumangippagit arsaarinnittoqassaaq. Taassuma saniatigut arsaarinnissutigineqassappat nioqutissat, timmisartumut ilaasup immiaaqqat, viinnit, imigassat kimittuut, sikaritsit tupanillu nioqutissiat nammineq atugassamisut nassarsinnaasami saniatigut nassatai. Allanguutit kingunerisaannik nioqutissat arsaarinnissutigineqartarut tamarmiusut ikilinissaat naatsorsuutigineqarpoq.

Siunnersuutip ataatsimut isigalugu kingunerissavaa, timmisartumut ilaasoq "anisarfik aappaluttoq" aqutigalugu nammineq piumassutsimik akitsuusiisitsinermigut immiaaqqanik, viinninik, imigassanik kimittuunik, sikaritsinik tupanillu nioqutissianik amerlanerusunik nassarsinnaalissasoq. Nammineq piumassutsimik akitsuusiisitsinikkut eqqussuinermit akitsuutinik sullissinermullu akiliummik akiliineq, maanna periaaserineqartoq malillugu pillaammik akiliisitsissummit nalinginnaasumit minnerussaaq. Akerlianilli "anisarfik qorsuk" aqutigalugu anngiortumik eqqusseriaraluarnek ullumikkornit anginerusumik akiliinissamik kinguneqassaaq, sullissinermummi akiliut akiligassat allat, imaappoq pillaammik akiliisitsissutip aamma eqqussuinermit akitsuutit saniatigut akilersinneqassammat, ilaasup nioqutissat tigummiinnarni arnerai apeqqutaatillugu.

2.3.1. Assersuutitut naatsorsukkat

Maleruagassat atuuttut malillugit sikaritsit 200-t imigassarlu kimittooq (22 vol. pct.-imit sakkortunerusoq) 1 literi akitsuuteqanngitsumik nassarneqarsinnaapput.

Assersuut: Timmisartumut ilaasup sikaritsit 400-t imigassallu kimittuut 2 literit nassarpai.

Ilaasoq ”anisarfik qorsuk” aqutigalugu anivoq misissuiffigineqarlunilu:

Anisarfik qorsuk	kr.
Sikaritsit 200-t eqqussuinermi akitsuutaat	490
Imigassap kimittuup (44%) 1 literip eqqussuinermi akitsuutaa	397
Pillaammik akiliisitsissut (eqqussuinermi akitsuutit minnerpaamik marloriaataat)	1774
Sullissinermut akiliut – tassaasinnaasoq	<u>500</u>
Katillugit	<u>3161</u>
Nioqutissanik arsaarinnissuteqartoqassanngilaq.	

Ilaasup sikaritsit 200-t imigassarlu kimittooq 1 literi annaarlugit nassarsimasani tigummiinnarumangikkunigit eqqussuinermi akitsuutit 887 kr.-it akilinngiinnarsinnaavai, taavalu nioqutissat taakku arsaarinnissutigineqassapput, ilaasullu pillaammik akiliisitsissut aammalu sullissinermut akiliut, assersuummi matumani katillutik 2.274 kr.-iusut akilissavai.

Ilaasoq ”anisarfik aappaluttoq” aqutigalugu anivoq namminerlu piumasutsimik akitsuusiisitsiniarluni:

Anisarfik aappaluttoq	kr.
Sikaritsit 200-t eqqussuinermi akitsuutaat	490
Imigassap kimittuup (44%) 1 literip eqqussuinermi akitsuutaa	397
Sullissinermut akiliut – tassaasinnaasoq	<u>500</u>
Katillugit	<u>1387</u>
Nioqutissanik arsaarinnissuteqartoqassanngilaq.	

Assersuut: Timmisartumut ilaasoq sikaritsinik 1400-nik nassarpoq.

Ilaasoq ”anisarfik qorsuk” aqutigalugu anivoq misissuiffigineqarlunilu:

Anisarfik qorsuk	kr.
Sikaritsit 1200-t eqqussuinermi akitsuutaat	2940
Pillaammik akiliisitsissut (eqqussuinermi akitsuutit minnerpaamik marloriaataat)	5880
Sullissinermut akiliut – tassaasinnaasoq	500

Katillugit	<u>9320</u>
Nioqutissanik arsaarinnissuteqartoqassanngilaq.	

Ilaasup sikaritsit 1200-t tigungmiinnarumangikkunigit eqqussuinermi akitsuutit 2.940 kr.-it akilinngiinnarsinnaavai, taavalu sikaritsit taakku 1200-t arsaarinnissutigineqassapput, ilaasullu pillaammik akiliisitsissut aammalu sullissinermut akiliut, assersuummi matumani katillutik 6.380 kr.-iusut akilissavai.

Ilaasoq ”anisarfik aappaluttoq” aqutigalugu anivoq nioqutissallu tamaasa oqaatigalugit:

Anisarfik aappaluttoq	kr.
Sikaritsit 1000-it eqqussuinermi akitsuutaat	2450
Sullissinermut akiliut – tassaasinnaasoq	<u>500</u>
Katillugit	<u>2950</u>
Sikaritsit 200-t arsaarinnissutigineqassapput.	

Ilaasup sikaritsit amerlanerpaamik 1200-t nassarsinnaavai – 200-t akitsuuteqanngitsumik 1000-illu nammineq piumassutsimik akitsuusertillugit – sinneri 200-t arsaarinnissutigineqassapput.

Ilaasoq ”anisarfik aappaluttoq” aqutigalugu anippat namminerlu piumassutsimik akitsuusiisitsiniarpat, kisiannili sikaritsit nassatani tamaasa oqaatiginngippagit:

Anisarfik aappaluttoq – Ilaasoq sikaritsinik 600-nik nassarnerarpoq	kr.
Sikaritsit 600-t eqqussuinermi akitsuutaat	1470
Sikaritsinut 600-nut pillaammik akiliisitsissut	2940
Sullissinermut akiliut – tassaasinnasoq	<u>500</u>
Katillugit	<u>4910</u>

Ilaasup sikaritsit amerlanerpaamik 1200-t nassarsinnaavai, sinneri 200-t arsaarinnissutigineqassapput. Nioqutissat oqaatigineqanngitsut anngiortumillu eqquteriaraluarneqartut, assersuummi matumani sikaritsit 600-t pillugit pillaammik akiliisitsissutissaq naatsorsorneqassaaq. Ilaasup 400-t eqqussuinermi akitsuutaat akilersinnaavai taakkuninngalu arsaarneqarnissaraluanani pinngitsoortillugu.

3. Pisortanut aningaasatigut allaffissornikkullu sunniutissai

Maleruagassat siunnersuutigineqartut allaffissornikkut sunniutissaat tassaapput akileraaruseriffiup qinnuteqaatinik amerlanerusunik suliaqartalernissaa, matumani aamma akiliutit naat sorsuutitut nalunaarsornissaat aamma akuersissutinik tunniussisarnissaq, kiisalu nassiussanik misissuisarnerup annertusisinnissaa. Taakku tamarmik ukiumi ilivitsumi sulisup affaanik naleqassanganneqarput.

Nammineq atugassanik eqqussuisinnaanermut tunngatillugu maleruagassanik atuutsitsinermut aamma IT-mik ineriartortitsinissamut aningaasartuutaanerusussat 500.000 kr.-inut missiliuunneqarput. Aningaasartuutaanerusussat taakku sullissinermut akiliutitigut akitsuutitigullu isertitanit illua tungilerneqassanganneqarput.

Nammineq atugassanik eqqussuisinnaalernerq akitsuutinik akiliinngitsoorniartoqartarnissaanik annertusisitsissanganneqarpoq. Inuit inuussutissarsiutinik ingerlataqartunut sanilliullutik immiaaqpanik imigassanillu kimittuunik annikinnerusunik akuleriinnerusunillu eqqussuinerusarnissaat naatsorsuutigineqarpoq, tassa imaappoq akuersissummut ataatsimut nioqutissanik assigiinngitsunik akitsuuteqartunik amerlanerusunik. Tamanna nassiussanik tikiunneqartunik misissuinissamut amerlanerusunik sulisoqarnissamik pisariaqartitsissaaq.

Tikinnermi akitsuusiisitsisinnaaneq anngiortumik eqqussuinissamik pinaveersimatitsissanganneqarpoq, tikittummi anisarfimmi aappaluttumi nalunaarsinnaammata akitsuusigassaateqarnerminnik. Maannakkorpiaq qanoq atugaatiginera pillugu kisitsisaateqartoqanngilaq missi ngersuinnermi atorneqarsinnaasunik.

Timmisartunik nunanit allaneersunik mittoqartillugu nalinginnaasumik misissuisoqarnissaa, matumani aamma nammineq piumassutsimik akitsuusiisitsisinnaanermik maleruagassanik atuutsitsisoqarnissaa kissaatigineqassappat, tamanna timmisartoqarfimmi amerlanerusunik sulisoqarnissamik kinguneqassaaq. Timmisartoqarfimmi ataatsimi ukioq naallugu sulisunik marlunnik, tassa katillugit ukiumut ulloq naallugu sulisunik sisamanik pisariaqartitsinissaaq eqqoriarneqarpoq.

Maleruagassanik atuutsitsinermut IT-millu ineriartortitsinissamut aningaasartuutaanerusussat ukiumut 2 mio. kr.-nut missiliuunneqarput. Aningaasat taakku mittarfinni nutaani nakkutilliinerunermut aamma piumassutsimik akitsuusiisarnermut atatillugu pisariaqartitsinermik matussutaapput.

4. Inuussutissarsiutinik ingerlatsisunut aningaasatigut allaffissornikkullu sunniutissai

Nammineq atugassanik eqqussuisinnaaneq aamma piumassutsimik akitsuusiisitsisinnaaneq pillugit maleruagassat siunnersuutigineqartut kingunerisaannik unammillerneqarnerunissaaq pissutigalugu niuertarfiit immiaaqpanit, viinninit imigassanillu kimittuunit iluanaarutigisagaa-sa appariaateqarsinnaanerat eqqoriarneqarpoq.

5. Pinngortitamut, avatangiisinut inuillu peqqissusiannut kingunerisassai

Siunnersuut avatangiisinut pinngortitamulluunniit taasarialinnik kinguneqartussaangilaq.

Siunnersuut inuit peqqissusiannut sunniuteqassanganneqanngilaq, tassami nammineq atugassanik eqqussuisinnaalernerup imigassamik aalakoornartumik atuinerulernissamik kinguneqannginnissaa siunnersuummi eqqarsaatigineqareemat.

6. Innuttaasunut kingunerisassai

Siunnersuut atuisartunik soqutiginnittunik periarfissiivoq immiaaqqanik, viinninik imigassanillu kimittuunik maannakkornit assigiinngiaarnerusunik qinigassaqaalernissamut, soorluttaaq maanga nuuttut nammineq imigassaatigeriikkaminnik nassarsinnaanissaat periarfissaassasoq.

Siunnersuutip timmisartunut ilaasut periarfissippai eqqussuineri akitsuutininik aamma sullissinermut akiliummik akiliinermikkut (piumassutsimik akitsuusiisitsinermikkut) nunamut maanga tikinnerminni nioqutissanik nammineq atugassaminnik annertunerusunik nassarnissamut.

Siunnersuutip atuisunut timmisartunullu ilaasunut aningaasatigut taasarialimmik sunniuteqarnissaa naatsorsuutigineqanngilaq.

7. Kingunerisassai pingaarutillit allat

Inatsisissatut siunnersuut naalagaaffeqatigiinnermut tunngasunik imaqanngilaq.

8. Oqartussaasunik aamma kattuffinnik il.il. tusarniaaneq

Siunnersuut 2023-mi piffissami 6. juni-imiit 4. juli-mut makkununnga tusarniaassutigineqarpoq: Kalaallit Nunaanni Sulisitsisut (GE), Sulinermik Inuussutissarsiuqartut Kattuffiat (SIK), Nunatsinni Advokatit, Royal Arctic Line A/S, KNI A/S, Naalakkersuisut siulittaasuata Naalakkersuisoqarfia, Nunanut allanut, Inuussutissarsiornermut Niuernermullu Naalakkersuisoqarfik, Ineqarnermut Attaveqarnermullu Naalakkersuisoqarfik, Nunalerinermut, Imminut pilersornermut, Nukissiuuteqarnermut Avatangiisinullu Naalakkersuisoqarfik, Aatsitassanut Inatsisinillu Atuutsitsinermut Naalakkersuisoqarfik, Isumaginninnermut, Suliffeqarnermut Nunamullu Namminermut Naalakkersuisoqarfik, Aalisarnermut Piniarnermullu Naalakkersuisoqarfik, Meeqqanut, Inuusuttunut Ilaqutariinnullu Naalakkersuisoqarfik, Peqqinnissamut Naalakkersuisoqarfik, Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik, Avannaata Kommunua, Kommune Kujalleq, Kommune Qeqertalik, Qeqqata Kommunua aamma Kommuneqarfik Sermersooq.

Siunnersuut aammattaaq Naalakkersuisut tusarniaavianni www.naalakkersuisut.gl -imi tamanut takusassiarineqarnikuvoq.

Tusarniaanermi akissutigineqartut pisariaqarnera naapertorlugu ilanngunneqarput.

Tusarniaaneq pillugu allakkiamut tunngatillugu ilanngussaq 2 innersuussutigineqarpoq.

Siunnersuummi aalajangersakkanut ataasiakkaanut oqaaseqaatit*§ 1-imut*

Nr. 1-imut

Inatsisip Nioqqutissanik eqqussuinermi akitsuutit pillugit Inatsisartut inatsisaannut innersuussineri pillugit allaqqasunut allannguutit.

Nr. 2-mut

Kapitali 2-p qulequtaa § 6 a-mi aalajangersakkamik nutaamik ilanngussinerup kingunerisaa-nik aaqqinneqarpoq, tak. siunnersuummi nr. 3.

Nr. 3-mut

Pingaartumik akitsuutit allanngortinneqarnerannik akuersissuteqarnermi pisariaqarluinnartarpoq ullup nioqqutissanik akitsuuteqarfiusumut eqqussiffiusup aalajangersarnissaa. Tassa imaappoq ulloq akitsuutit atuuffiat eqqortumik aalajangersassallugu aalajangiisuusinnaavoq.

Taamaattumik siunnersuutaavoq inatsimmi erseqqissarneqassasoq nioqqutissat akitsuusigassaasut akitsuuserneqarfissaat tassaasoq taakku akitsuuteqarfiusumut tikiunneqarfiat.

Inatsimmi § 40 naapertorlugu Grønlandshavnen Aalborgimiittoq qanittunnguaq tikillugu tassaasimavoq umiarsuakkut nassiussat akitsuusigassaalerfiisa aallartiffiat. Tassani aallartereenera allaffissornikkut arlalinnik pitsaaquteqarpoq, matumani aamma akitsuusigassanik nalunaarutit il.il. suliarineqartarnerat eqqarsaatigalugu. Pitsaaqutit tamakku umiarsualiviup aallaaviusup Aarhusimut nuunneqarnerani ingerlatiinnarneqarnissaat siunnersuutip siunertaraa.

Umiarsuakkut nassiussat allattorsimaffii, umiarsuit nassiunneqarfii taakkulu Danmarkimiit aallarfi kiisalu ingerlaarfimmini illoqarfinnut nunaliffissaat aallarfissaallu pillugit paasissutissanik maannamut imaqartut RAL-imit nassiunneqartarunnaarput. Paasissutissat taakku maanna akileraaruseriffiup umiarsuaq Aarhusimiit aallaraangat elektroniskiusumik naligiissartarpai.

Nioqqutissat Danmarkimi umiarsualivik (maanna tamatigut tassaasoq Aarhus Havn) aqqutigalugu eqqunneqartut Kalaallit Nunaanni akitsuuteqarfiusumut eqqunneqartutut isigineqartarput nioqqutissat umiarsuarmut Kalaallit Nunaannukartussamut ikineqaraangata.

Nioqqutissattaq Danmarkip Kalaallillu Nunaata akornanni ingerlaarfimmi nassiussassatut tunniunneqarsinnaapput. Taamaattoqartillugu taakkuttaaq akitsuusigassangussapput nioqqutissat umiarsuarmut ikineqaraangata.

Pisuni allani akitsuusigassangorneq aatsaat aallartissaaq nioqqutissat Kalaallit Nunaanni akitsuuteqarfiusumut eqqunneqaraangata. Akitsuuteqarfiusoq tassaavoq Kalaallit Nunaata nunataa, Kalaallit Nunaata imartaa kiisalu sumiiffiit taaneqartut silaannartaat, tak. § 6.

Taamaattumik akitsuusigassaanerup aallartiffia pingaarnertut suli tassaavoq piffissaq akitsuuteqarfiusumut eqqunneqarfiat. Pingaarnertut maleruagassamut ilaangillat Kalaallit Nunaata illersorneqarnissaa pillugu isumaqatigiissut 27. april 1951-imeersoq naapertorlugu illersornissamut sakkutooqarfiusut, kisianni aamma ilaangillat umiarsuit Danmarkimiit Kalaallit Nunaannukarlutik aallartut. Umiarsuarnut kingullertut taaneqartunut tunngatillugu akitsuusigassangorneq aallarereertarpoq umiarsuup usilersorneqarnerani.

Nr. 4-mut

Imm. 1-imut

Allaqqasunik allannguinerit inatsimmi § 8-p atorunnaarnerata kingunerai. Allaqqasunik allannguinerit eqqaassanngikkaanni aalajangersakkap assigai § 7, imm. 1-imi aamma § 8-mi maleruagassat atuuttut. Aalajangersakkanut taaneqartunut tunngatillugu periuserineqartartoq taamaalilluni allanngorani ingerlatiinnarneqarpoq.

Imm. 2-mut

Siunnersuutigineqarpoq akileraaruseriffik immiaaqqanik, viinninik imigassanillu kimittuunik ethanolimik akulinnik, imm. 1-imi taaneqartunik inuussutissarsiuutigalugu tuniniaqqitassatut eqqussuinissamut akuersissuteqarsinnaasoq.

Immiaaqqat, viinnit imigassallu kimittuut ethanolimik akullit tassaapput viinnit imigassanillu kimittuunit nioqqutissiat literimut 1,20 volumenprocentimik aalakoornartortallit.

Allaqqasunik oqaasertaanillu allannguinerit eqqaassanngikkaanni alaajangersakkap § 7, imm. 2-mi 3-milu maleruagassat atuuttut assigai. Aalajangersakkanut taaneqartunut tunngatillugu periuserineqartartoq taamaalilluni allanngorani ingerlatiinnarneqarpoq.

Imm. 3-mut

Siunnersuutaavoq akileraaruseriffik inunnut 18-inik ukiulinnut ukioqqortunerusunulluunniit aammalu Kalaallit Nunaanni najugaqartunut piffissalluunniit sivikitsup ingerlanerani Kalaallit Nunaanni najugaqalersussanut, immiaaqqanik, viinninik imigassanillu kimittuunik ethanolimik akulinnik imm. 1-imi taaneqartunik nassiussisoqarnerani eqqussuinissamut

ataasiartumik akuersissuteqarsinnaasoq. Akileraaruseriffik ataasiartumik akuersissummik tunniussiuman ngissinnaavoq, siusinnerusukkut akuersissutaasut, eqqussorneqartut amerlassusii il.il. eqqarsaatigalugit isumaqaruni eqqussukkat nammineq atugassaannaangitsut. Ataasiartumik akuersissut atortussaajunnaassaaq nassiussat akuersissummi pineqartut tiguisussamut tunniunneqarneranni.

Maleruagassaq atuuppoq immiaaqqanut, viinninut paarnanillu viinnilianut, akitsuusigassat allattorsimaffiini pingaarnerni 2203-mi, 2204-mi, 2205-imi aamma 2206-imi allassimasunut, aammalu ethanolimik 1,2 volumenpct.-imit qaffasinnerusumik kisianni 22 volumenpct.-imit appasinnerusumik akulinnut.

Taamaalillutik nioqutissat makku – aamma mousserende – pineqartunut ilaapput:

- Viinnit, soorlu rødvin, rosévin aamma hvidvin.
- Hedviinnit, soorlu madeira, portvin aamma sherry.
- Aperitifviinnit, soorlu vermouthe aamma sangria.
- Paarnanit viinniliat assigisaallu, soorlu kirsebærvin, æblecider aamma mjød.
- Immiaaqqat, nalinginnaasut nalinginnaasuunngitsullu.

Maleruagassaq aammattaq imigassanut kimittuunut atuuppoq. Imigassat kimittuutut isigineqartut nioqutissiat ethanolimik 1,2 volumenpct.-imit qaffasinnerusumik akullit tamarmik, akitsuusigassat allattorsimaffiini 2207-imiit 2208-mut allassimasut, nioqutissiat taakku nioqutissiami akitsuusigassat allattorsimaffianni kapitalimi allami allaqqasumiittumi akuugaluarpataluunniit.

Taamaalillutik nioqutissat makku pineqartunut ilaapput:

- Hedviinnit, vermouthe, paarnanit viinniliat allallu ethanolimik 22 volumenpct. sinnerlugu akullit (akitsuusigassat allattorsimaffiini 2204-miit 2206-imut allassimasut).
- Nioqutissat allat ethanolimik 1,2 volumenpct.-imit qaffasinnerusumik akullit, tassaappata nioqutissat imerneqarsinnaasut, soorlu whisky-soda aamma cocktails. Immiaaqqat uani pineqartunut ilaangillat. Aamma pineqangillat viinniit paarnanillu viinniliat ethanolimik 22 pct.-imik minnerusumilluunniit akullit.

Aalajangersakkap siunnersuutigineqartup kingunerissavaa inuit 18-inik ukiullit ukioqqortunerusulluunniit aamma Kalaallit Nunaanni najugaqartut immiaaqqanik, viinninik imigassanillu kimittuunik eqqussuinissamut akuersissummik tunineqarsinnaanerat.

Najugaqarnissamik piumasaqaammik naammassinninnermik naliliinissami isiginiarneqassaaq pineqartuq inoqutinilu najugaqalerniarnersut, inimik attartorniarnersuq allatulluunniit iliuuseqarnermigut Kalaallit Nunaanni najugaqarnerminik najugaqalilernerminilluunniit takussutis siinersoq.

Najugaqarnek uppersarsassagaanni ukioq naallugu najugarisamik ineqarnek pisariaqarpoq, peqatigisaanillu tassaalluni piumasaqaatinik naammassinnissutitut naammattoq. Ilumut najugaqarnek aalajangerneqassatillugu pisut aalajangersimasut ataatsimut naliliinissami ilaatin niartariaqartassapput, pingaartumik maanga maanngaanniillu nuunnermi.

Ineqarnermut tunngasut piviusut aalajangiisuupput, piumasaqaatit allat, soorlu maanga nuunneq maanngaanniillu aallarnek pillugit inuit allattorsimaffiannut nalunaarnerit imminermi aalajangiisuunatik.

Eqqunniakkat nammineq atugassaappata aatsaat akuersissummik tunniussisoqarsinnaavoq. Nammineq atuineq tassaavoq akuersissummik peqartup nammineq immiaaqqanik, viinninik imigassanillu kimittuunik atuinerata saniatigut aamma pineqartup inoqutaasa, ikinngutaasa ilaqutaasalu immiaaqqanik, viinninik imigassanillu kimittuunik atuinerat. Nammineq nalliuttorsiornermut, soorlu apersortitsinerit atatillugu atugassanik eqqussuineq taamatutaaq nammineq atuinertut isigineqarpoq.

Immiaaqqat, viinnit imigassallu kimittuut akuersissut taanna naapertorlugu eqqunneqartut tuniniaqqusaanngillat allatulluunniit inuussutissartiutigalugu kaaviiartitsinerit atorneqaaqusaanngillat, tamannami nammineq atuinerunngimmat. Soorlu maleruagassanut akerliussaaq immiaaqqat, viinnit imigassallu kimittuut akuersissut pineqartuq naapertorlugu eqqunneqartut ilassinninnermi, matumani aamma suliffeqarfiup sulisuanut, niueqatigisagaanut allamulluunniit juullimi, inuissiornermi, nalliuttorsiornermi assigisaaniluunniit tunissutitut atorneqarpata.

Inummut ataatsimut akuersissutit qanoq amerlatigisut tunniunneqarsinnaanerit tunngaviatigut killeqanngilaq, soorluttaaq amerlassutsinik killilersuisoqanngitsoq. Akileraaruseriffilli ataasiartumik akuersissummik tunniussiumanngissinnaavoq, siusinnerusukkut akuersissutaasut, eqqussorneqartut amerlassusii il.il. eqqarsaatigalugit isumaqaruni eqqussukkat nammineq atugassaannaanngitsut. Pisuni ataasiakkaani erseqqissumik naliliineq tunngavigalugu aalajangiisoqartassaaq. Oqaaseq ”ilaallu ilanngullugit” matumani tassaavoq akileraaruseriffiup aalaja ngiinissamini ilaatigut isiginiagassarimmagu qinnuteqartup pineqartup nammineq atugassaannarnik eqqussuinissaq pillugu maleruagassanik siusinnerusukkut sumiginnaasimasinnaanera.

Akuersissut nassiussamut aalajangersimasumuinnaq tunngavoq. Tassa imaappoq akuersissut nassiussamut aalajangersimasumut ataasiinnarmut atuussinnaavoq. Nassiussarli imaanngilaq

poortaq ataasiinnaasariaqartoq. Maleruagassat taamaallaat atuupput nassiussanut umiarsuakkut timmisartukkulluunniit nassiunneqartunut imaluunniit allakkerisarfik aqqutigalugu eqqunneqartunut. Assersuutigalugu akuersissuteqartoqarsinnaanngilaq inuit nammineerlutik tikinnerminnut atatillugu nioqqutissanik pineqartunik nassarnissaannut. Tikinnermut atatillugu eqqussisinnaaneq § 35 a-mi nutaami aalajangersagassatut siunnersuutaavoq, tak. siunnersuummi nr. 18.

Inuit arlaqartut ataatsimoorlutik nassiussamik ataatsimik kattussisinnaapput. Soorlu inuit tallimat nassiussaq ataaseq kattunniarunikku, taava akuersissut ataasiinnaq naammappoq. Qinnuteqaammi takuneqarsinnaassaaq inuit arlaqarlutik nassiussat kattunniaraat, aamma akitsuutit inuit ataasiakkaarlugit naatsorsorneqarlutillu akilerneqassapput.

Akuersissummik tunniussinissami apeqqutaanngilaq nioqqutissat sumi pisiarineqarnersut, kinalu nassiussamik nassiussisuunersoq.

Akuersissut atorunnaassaaq nassiussat nioqqutissanik tiguisussamut nioqqutissanilluunniit tiguisussanut tunniunneqarpata. Imaappoq akuersissut atoqqinneqarsinnaanngilaq allatulluunniit immiaaqqanik, viinninik imigassanillu kimittuunik akuerisaasumik eqqussinissamut tunngavigineqarsinnaanani.

Imm. 4-mut

Siunnersuutaavoq ataasiartumik akuersissutinik imm. 2-mi taaneqartunik tunniussinnginnermi piumasaqaatit makku naammassineqarsimanissaat:

- 1) Akileraaruseriffiup elektroniskiusumik qinnuteqaat nioqqutissat Kalaallit Nunaannut nassiussassatut tunniunneqarnissaat ullunik suliffiusunik ikinnerpaamik 5-inik sioqqullugu tiguisimassavaa. Qinnuteqaat elektroniskiusumik immersugassaq akileraaruseriffiup sularisimasaa atorlugu tunniunneqassaaq, nioqqutissallu nassiussaniittussat pillugit paasissutissanik erseqqissunik immersorneqassalluni, akileraaruseriffiup tamatuminnga ilitersuina naapertorlugu. Immersugassaq Sullissivik.gl aqqutigalugu elektroniskiusumik immersorneqassaaq. Qinnuteqarnermi NemID imaluunniit MitID atorneqassaaq.
- 2) Nioqqutissat eqqunniarneqartut akitsuutaat, aamma imm. 5 naapertorlugu sullissinnermut akiliut akileraaruseriffimmut akilerneqarsimassapput.
- 3) Nioqqutissat umiarsuakkut timmisartukkulluunniit imaluunniit allakkerisarfik aqqutigalugu nassiussatut eqqunneqassapput.

Qinnuteqaat nioqqutissat Kalaallit Nunaannut nassiunneqarnissaat ullut suliffiusut 5-it inorlugit sioqqullugu akileraaruseriffimmut tunniunneqarpat ataasiartumik akuersissummik tunniussisoqarsinnaassanngilaq. Maleruagassap anngiortumik eqquuniarnissamik pinaveersimatitsinissap saniatigut siunertaraa akileraaruseriffiup qinnuteqaammik suliaqarnissamut ataasiartumillu akuersissummik tunniussinissamut, nioqqutissat Kalaallit

Nunaannut nassiutassatut tunniunneqannginneranni angumersisinaanissaanik qulakkeerinissaq.

Piumasaqaataavortaaq nioqqutissat eqqunniarneqartut akitsuutaasa akilerneqarsimanissaat. Maleruagassap ilaatigut pinaveersimatissavaa tamakkunatigut taasarialimmik annertussuseqartunik akitsoqartoqalernissaa, ilaatigullu tamatuma allaffissornikkut isumagineqarnerata akitsuutillu akiligassiissutigineqarnerisa allaffimmi amerlavallaanik sulisoqartariaqarnissaa pinngitsoortissallugu.

Qinnuteqaatip akileraaruseriffimmut tunniunneqareernerani imaluunniit ataasiartumik akuersissummik tunniussisoqareernerani paasineqarpat allanngortitsinissaq pisariaqartoq, soorlu nioqquteqartoq imigassamik kimittuumik aalakoornartortaata procentianik aalajangersimasumik peerussimasoq paarlattuanilli imigassamik kimittuumik procentimik allamik aalakoornartortalimmik nassiussisinnaasoq, taava qinnuteqartoq/akuersissummik peqartoq tamanna pillugu akileraaruseriffimmut saaffiginnittariaqarpoq, akuersissut akitsuutillu akiligassartaat allanngortinneqarsinnaaqqullugit.

Imm. 5-imut

Siunnersuutaavoq akileraaruseriffik ataasiartumik akuersissuteqarfigineqarnissamik qinnuteqartoqarnerani sullissinermut akiliummik tapiliussatullu akitsuummik akiligassiisassasoq.

Sullissinermut akiliut nassiussamut ataatsimut 250 kr.-inik aalajangersimasumik angissusilerneqarpoq. Sullissinermut akiliummik akiliisitsineq akileraaruseriffiup akuersissuteqartarnermik allaffissornikkut isumaginninnerani aningaasartuutitut naapertuuttuuvoq.

Tapiliussatut akitsuut nioqqutissap eqqunneqartup eqqussuinermi akitsuutaasa naatsorsorneqartut 50 pct.-iannik angissusilerneqarpoq. Eqqussuinermi akitsuutit Nioqqutissanik eqqussuinermi akitsuutit pillugit Inatsisartut inatsisaanni § 1, imm. 1, nr. 3 naapertorlugu aalajangersarneqarput. Akitsuutit nioqqutissap literimut volumenprocentia tunngavigalugu tassani angissusilerneqarput.

Tapiliussatut akitsuutip qulakkiissavaa nioqqutissat nammineq atugassatut eqqussukkat akiisa nioqqutissat niuertarfinni akinut naapertuutikannersuunissaat. 50 pct.-it taaneqartut 2023-mi upernaakkut Nuummi viinnit imigassallu kimittuut akiinik nammineq misissuinermeersuupput. Mississuinermi immiaaqqat ilaanngunneqanngillat, tamakkumi akii eqqunneqarnerannut atatillugu paasissutissartaqanngimmata. Taamaattumik tapiliussatut akitsuutip kingusinnerusukkut iluarsivigineqartariaqarnissaa pisariaqarsinnaavoq, niuerfinni akiusunut naapertuuneroqqullugu.

Nr. 5-imut

§ 8 atorunnaarsinneqarpoq, tassami aalajangersakkap imarisai § 7-imut ilanngunneqarmata. Allannguineq allassimasunut tunngavoq, tamannalu Kalaallit Nunaanni puiaasaaqqanik utertitsisarnermik aaqqissuussinerup puiaasaaqqat maannakkut akuerisaasut saniatigut puiaasaaqqanik allanik atuisinnaanermik ammaassinissaata kingunerisaanik atuisartut immiaaqqanik eqqussuisinnaalernissaasa kinguneraa, tassa Immiaaqqat imeruusaatillu kulisyremik akullit puui pillugit Namminersorlutik Oqartussat nalunaarutaat nr. 16, 25. oktober 2019-imeersoq naapertorlugu.

Nr. 6-imut

Inatsimmi § 8-p atorunnaarsinneqarnerata kingunerisaanik allannguut, tak. nr. 5.

Nr. 7-imut

Inatsimmi § 15-imi allassimasunut allannguutit. § 15, imm. 2-p imaa § 15, imm. 1-imut ilanngunneqarpoq.

Nr. 8-mut

§ 15, imm. 2 atorunnaarsinneqarpoq, oqaasertat § 15, imm. 1-mut ilanngunneqarmata, tak. siunnersuummi nr. 7.

Nr. 9-mut

§ 16 a-mi aalajangersagaq nutaaq siunnersuutigineqarpoq, tassa nioqqutissat kukkusumik akitsuusertinneqarsimasut, tammarsimasut, ajoqusersimasut, tillinneqarsimasut, suujunnaarsinneqarsimasut imaluunniit anniseqqinneqarsimasut akitsuutaannik utertitsineq pillugu maleruagassanik Naalakkersuisut aalajangersaanissamut piginnaatitaanerannik erseqqissaasumik.

Piginnaatitsinermisaaq pineqarput sullissinermut akiliutinik 1.000 kr.-it tikillugit angissusilinnik aammalu aningaasat utertinneqartut procentinngorlugu ilaannik kiisalu digitaliusumik qinnuteqaatit piumasarineqarnissaannik il.il. aalajangersaanissaq, tak. aalajangersakkami imm. 2 aamma 3.

Nr. 10-mut

Inatsimmi § 7-imi maleruagassatut siunnersuutit kingunerisaannik allannguineq, tak. siunnersuummi nr. 4.

Nr. 11-mut aamma nr. 12-imut

Inatsisinut periutsinut tunngasunik allannguinerupput. Matumuuna maleruagassat atuuttut arsaarinnissuteqartarnek, toqqortarinnineq tigungminnikkallernerlu pillugit aalajangersakkami, maannamut ilaatigut § 26-mi ilaatigullu Nioqqutissanik eqqussuinermi akitsuutit pillugit Inatsisartut inatsisaanni § 9, imm. 1-imi aamma 4-mi aalajangersagaasumi katersorneqarput. Ilutigitillugu oqaatsit atorneqartut assigiissarneqarput.

Inatsimmi § 26, imm. 2-p, Nioqqutissanik eqqussuinermi akitsuutit pillugit Inatsisartut inatsisaanni § 9, imm. 4-mi oqaaseqatigiinnik siullernik ingerlatitseqqinnerusup nutaamik oqaasertalerneqarnissaa kiisalu imm. 3-mik aamma 4-mik nutaanik ilaneqarnissaa siunnersuutigineqarpoq.

§ 26, imm. 3-mi siunnersuutigineqarpoq § 26, imm. 2-p atuuttup ingerlateqqinneqarnissaa aamma § 9, imm. 4-mi oqaaseqatigiinnik 3-miit 6-imut itisilernerneqarnissaa.

Nioqqutissanik eqqussuinermi akitsuutit pillugit Inatsisartut inatsisaanni § 9, imm. 1-ip § 26, imm. 4-mi ingerlateqqinneqarnissaa siunnersuutigineqarpoq.

Nr. 13-imut

Inatsimmi § 29, imm. 1-ip kalaallisut oqaasertaanik aaqqiineq. § 29, imm. 1-ip oqaasertaa atuuttoq inatsisip 2006-imi allanngorneratigut ilanngunneqarpoq. Pineqarput kalaallisuuani erseqqissaanerit, matumani aamma ”imaluunniit” allanngortinneqarluni ima ”aamma”. Allanguutit aalajangersakkap qanoq paasineqarnissaanut periaatsimilluunniit allannguinnigillat.

Nr. 14-imut aamma nr. 15-imut

§ 29, imm. 3-mi aamma imm. 7-imi aaqqiinerit, tassa ”Akileraartarnermut Aqutsisoqarfik” allanngortinneqarluni ima ”akileraaruseriffik”. Pineqarpoq inatsisinut periutsinut tunngasunik aaqqiineq. Allanguut qanoq paasinninnissamut periaatsimilluunniit allannguinnigilaq.

Nr. 16-imut

Inatsimmi § 32 a, imm. 2-p kalaallisuuani aaqqiineq. § 32 a, imm. 2-p oqaasertaa atuuttoq inatsisip 2015-imi allanngorneratigut ilanngunneqarpoq. Taassuma saniatigut aalajangersakkap oqaaseqatigiivini kingullerit erseqqissaasoqarpoq.

Inatsisinut periutsinut tunngasumi kukkunermik iluarsineruvoq, aalajangersakkap qanoq paasineqarnissaanut periaatsimilluunniit allannguinnigisoq.

Nr. 17-imut

Piumassutsimik akitsuusiisitsinnaaneq pillugu maleruagassat nutaat kingunerisaannik allaq-qasunik iluarsineq, tak. siunnersuummi nr. 18.

Nr. 18-imut

Imm. 1-imut

Timmisartunut ilaasut nunamut maanga tikinnerminni nioqqutissat akitsuusigassaasut nassatatik piumassutsimik akitsuusertissinnaalissavaat. Taamaaliornikkut soorlu takornariat Kalaallit Nunaanni eqqussuinermut tunngatillugu maleruagassanik ilisimanneriinngitsut arsaarinnissuteqarfigineqarnissaat pillaaammillu akiliisinneqarnissaat pinngitsoortinneqassaaq.

Siunnersuummi taamaallaat pineqarput nioqqutissat akitsuusigassaasut timmisartuni ilaasut nunamut maanga tikinnerminni nassataat. Nioqqutissat piumassutsimik akitsuusertinneqarneranni apequtaanngilaq nioqqutissat sumi pisiarineqarsimanersut.

Nammineq atugassaannarnik eqqussisoqarsinnaavoq. Nioqqutissat timmisartumut ilaasup nammineq atugassaannaasa saniatigut nammineq atugassanik oqarnermi pineqarputtaaq nioqqutissat pineqartup inoqutigiivisa, ikinngutaasa ilaqutaasalu atugassaat. Nioqqutissanik eqqussanik iluanaaruteqarluni tuniniaaqpinneq nammineq atugassanik eqqussinertut isigineqanngilaq.

Nioqqutissat piumassutsimik akitsuusiisitsinikkut eqqunneqartut tuniniaqqusaanngillat allatulluunniit inuussutissarsiutigalugu kaaviiartitsinermit atorneqaqqusaanngillat, tamannami nammineq atuinerunngimmat. Soorlu maleruagassanut akerliussaaq immiaaqqat, viinnit imigassallu kimittuut piumassutsimik akitsuusiisitsinikkut eqqunneqartut ilassinninnermi, matumani aamma suliffeqarfiup sulisuanut, niueqatigisagaanut allamulluunniit juullimi, inuissiornermi, nalliuttorsiornermi assigisaaniluunniit tunissutitut atorneqarpata.

Timmisartumut ilaasup ataatsip nunamut maanga tikinnermini piumassutsimik akitsuusiisitsinerit qasseriarluni atorsinnaaneraa tunngaviatigut killeqanngilaq. Tikinnermi ataatsimi amerlassutsinut killiliussat imm. 2-mi taaneqartut kisimik atuupput.

Imm. 2-mut

Timmisartumut ilaasup nioqqutissat akitsuusigassaasut, Nioqqutissanik eqqussuinermit akitsuutit pillugit Inatsisartut inatsisaanni nr. 19, 30. oktober 1992-imeersumi § 1, nr. 3-mi, nr. 7-imi, nr. 8-mi, nr. 9-mi aamma nr. 10-mi pineqartut tikinnermi akitsuuteqanngitsumik nassar-neqarsinnaasutut aalajangersagaasut tallimariaataat tikillugit piumassutsimik akitsuusertissinnaavai.

Tikittup maleruagassat atuuttut malillugit soorlu nassarsinnaavaa imigassaq kimittooq 1 literi. Inatsissatut siunnersuut akuersissutigineqassappat timmisartumut ilaasup imigassaq kimittooq 1 literi akitsuuteqanngitsumik nassarsinnaava kiisalu imigassat kimittuut 5 literit piumasutsimik akitsuusiisitsinikkut eqqussinnaallugit, eqqussuinermi akitsuutinik aamma sullissinermut akiliummik akiliinermigut.

Akitsuusigassaangitsut tallimariaataannut killiliinikkut ilaatigut tikittut periarfissinneqarput nassarnerunissamut, aammali ilutigisaanik assersuutigalugu tuniniaqqitassanik eqqussuinarsinnaaneq millisarniarlugu. Taassumalu saniatigut nioqputissat piumassutsimik akitsuusertinneqarsinnaasut tamakkerlutik annertussusii imminerminni killileereerput, tassami nioqputissat timmisartumut ilaasup nammineq tiggumillugit aamma/imaluunniit nassataminiitillugit nassartussaavai, annertussutsillu nassarniakkat timmisartumut ilaalluni angalanermi kiilut annerpaaffissaannit killiligaareerput.

Akitsuuteqanngitsut annertussusii Tikinnermi nioqputissanik akitsuuteqanngitsunik eqqussinnaaneq pillugu Namminersorlutik Oqartussat nalunaarutaanni maanna aalajangersagaapput. Tikinnermi nioqputissanik akitsuuteqanngitsunik eqqussinnaaneq pillugu Namminersorlutik Oqartussat nalunaarutaanni nr. 6, 13. marts 2023-meersumi § 1-imi maanna imaapput:

Angalasut tikinnerminni nioqputissat akitsuuteqanngitsumik nassarsinnaasaat ima annertussuseqarput:

1) Uku arlaat:

a) Sikaritsit 200-t,

b) sikaat 50-it,

c) cigarillot 100-t,

d) tupat 250 g, imaluunniit

e) sukuluut snusilluunniit 250 g.

2) imusivissat immeriaannaalluunniit 200-t.

3) Imigassaq kimittooq 22 volumenprocentimik annerusumilluunniit aalakoornartortalik 1 literi imaluunniit hedviinnit 15-imiit 22 volumenprocentip akornannik aalakoornartortallit 2 literi.

4) Viinnit nerrisit 15 volumenprocent inorlugu aalakoornartortallit 2,25 literi.

5) Immiaaqqat 2 literi.

6) Imeruersaatit kulisyretallit imaluunniit imeruersaatit literimut 149 mg sinnerlugu koffeinitallit 2 literi.

7) Imeq imigassaq 1 literi.

8) Tipigissaat 50 g aamma tipigissaatit kimikinnerit 0,25 literi.

9) Kiinnamut tarngutit tipigissaatillu allat katillugit annerpaamik 1.000 kr.-it nalinginut.

10) Sukkulaatinit mamakujuttunillu nioqputissiat katillugit 4 kg-t.

Nioqqutissanut allanut tunngatillugu nunami maani peqqinnissaq aamma aalakoornartoq pillugit politikikkut anguniakkani illersuutissanik taamaattunik takussaasoqanngilaq. Siunnersuutip timmisartunut ilaasut nioqqutissanik allanik, soorlu sodavandinik mamakujuttunillu il.il. tikinnermi nassartagaannik annertusisitsingaarnissaa naatsorsuutigineqanngilaq, nioqqutissanimmi tamakkuninnga amerlanerusunik tigummiarlugit eqqussinissaq timmisartumut ilaalluni angalanermi nassatarisinnaasat oqimaannerpaaffissaannit kiisalu eqqussat nammineq atugassaanissaannik piumasaqaammit killilerneqareerput.

Imm. 3-mut

Immiaaqqanik, viinninik, imigassanik kimittuunik sikaritsinillu piumassutsimik akitsuusiisitsineq taamaallaat inunnit 18-inik ukiulinnit ukioqqortunerusunilluunniit atorneqarsinnaavoq. 18-inik ukioqalersimanissamik piumasaqaat nunami maani imigassanik aalakoornartortalinnik nioqquteqarnermi ukiussarititaasunut naapertuuppoq kiisalu inuusuttut 18-it inorlugit ukiullit pujortartarnerannik annerulersitsinissaq siunnersuutip aqqutissiuunniangilaa.

Imm. 4-mut

Tikinnermi piumassutsimik akitsuusiisitsinermi sullissinermut akiliut akilerneqassaaq.

Akiliutip angissusia Naalakkersuisunit aalajangersarneqassaaq, tak. inatsimmi § 42, imm. 2, taamaattorli 1.000 kr.-it qaangersimassanngilai.

Sullissinermut akiliutip allanngorartuunissaa naatsorsuutigineqarpoq, soorlu eqqussuinermi akitsuutit apeqqutaatillugit. Piumassutsimik akitsuusiisitsinermi eqqussuinermi akitsuutit amerlanggippata sullissinermut akiliut minnerusoq eqqussuinermi akitsuutinut ilanngullugu akilersinneqassaaq.

Akiliutip allanngorartuunissaa pisariaqarsorinarpoq, tassami tikinnermi akitsuuteqanngitsumik eqqunneqarsinnaasut saniatigut nioqqutissanik akitsuusigassaasunik annertunngitsunik sippuinermi piumassutsimik akitsuusiisitsinissap atornissaa orniginarnerussammat. Assersuutigalugu ilaasup imigassaq kimittooq (44%) ½ literi aamma hedviinni (17%) ½ literi nassarpagit. Pisumi tassani hedviinnip (17%) ½ literip akitsuutaa 62,50 kr.-iuvoq. Ilaasorli imigassamik kimittuumik (44%) ½ literimik nassarani 1 1/2 literimik (44%) nassarsimappat akitsuut 198,50 kr.-iussagalarpoq. Assersuutit taakku marluk ulluinnarni takusartagaapput, tassa ilaasup akitsuuteqanngitsumik eqqunneqarsinnaasut unioqqutittarmagit taamaalillunilu maleruagassat atuuttut malillugit arsaarneqarsinnaallunilu pillaaammik akiliisinneqarsinnaammat.

Paarlattuanik aamma sullissinermut akiliutip aalajangersimasumik angissuseqarnissaa pisariaqarpoq, tassami piumassutsimik akitsuusiisitsiniartut ima amerlatigilissanngimmata allaat ilanngaaserisut suliassaat pingaarneq, tassalu nakkutilliineq isumaarulluni.

Nioqqutissat assigiinngiiaartut ataatsikkut piumassutsimik akitsuusertinneqarneranni sullissinermut akiliut 1.000 kr.-init anginerusinnaanngitsoq kisimi naatsorsorneqassaaq.

Piumassutsimik akitsuusiisitsinermi akitsuutinut akiligassaq aamma sullissinermut akiliut tikinnermi akilerneqassapput, tak. inatsimmi § 22.

Nr. 19-imut aamma nr. 20-mut

Inatsimmi § 8-p atorunnaarsinneqarnerata aamma § 35 a-mi aalajangersakkamut nutaamut siunnersuutip kingunerisaannik inatsimmi § 46, imm. 2-mik 3-millu allannginerit.

Nr. 21-mut

§ 46, imm. 5-imi kukkuneramik allanngineq, tassa ”15.000 euro” allanngortillugu ima ”50.000 kr.”. § 46, imm. 5-imi innersuussutigineqarput inatsimmi § 30, imm. 4 aamma imm. 5, aningaasanut killiliussaq 50.000 kr.-inik aalajangersarneqartoq. Aningaasanut killiliussap § 46, imm. 5-imiittup 50.000 kr.-inut appartinneqarsimannginnera inatsisinut periutsinut tungasumi kukkuneruvoq. Taassuma saniatigut oqaasertaa ataaseq aaqqinneqarpoq.

Aalajangersagaq aningaasat pinerluutit pillugit inatsimmik taasamut, aningaasat pinerlunnikkut pissarsiat pinerliiniarnermut il.il. atorneqarnissaannik akiuiniarnermik siunertaqartumut ilaavoq. Aalajangersakkami pineqarpoq aningaasanik arsaarinnissuteqartarneq, aningaasat pinerluttulerinermik inatsimmik unioqqutitsinikkut pissarsiaasimasinnaaneri imaluunniit unioqqutitsiniarnissamut atorneqartussaaneri pasitsaassimaneqartillugu.

§ 46, imm. 5 inatsimmi § 30, imm. 4, akileraaruseriffiup inuit akitsuuteqarfiusumut tikinneranni akitsuuteqarfiusumiillu allalerneranni aningaasaataannik atoriaannarnik misissuisinnaaneranik periarfissiinermik imaqartoq peqatigalugu 2010-mi ilanngunneqarpoq. Inatsit kingusinnerusukkut 2015-imi allanngortinneqarmat aningaasanut killiliussaq § 30, imm. 4-miittoq 15.000 euro-niit 50.000 kr.-inut appartinneqarpoq. Ilutigisaanik § 30, imm. 5, aningaasanik atoriaannarnik 50.000 kr.-init amerlanerusunik nassiussinermi paasissutissiisussatitaanermik imaqartoq ilanngunneqarpoq.

§ 2-mut

Inatsisartut inatsisaata ulloq 1. januar 2024-mi atortuulernissaa siunnersuutigineqarpoq.

Timmisartumut ilaasut piumassutsimik akitsuusiisitsisinaanerat, tak. § 1, nr. 18, taamaallaat atuuppoq timmisartut nunanit allaneersut Nuummi Ilulissanilu timmisartoqarfinnut, timmisartut nunanit allaneersut miffigisinnaasaannut minnerini.

§ 1, nr. 18 nalunaarutikkut atortuulersinneqassaaq. Timmisartoqarfinnut pineqartunut ullut atortuulerfissat assigiinngitsut Naalakkersuisunit aalajangersarneqarsinnaapput.

Ilanngussaq 1

Siunnersuut inatsimmut atuuttumut sanilliullugu	
<i>Oqaasertaa atuuttoq</i>	<i>Siunnersuut</i>
	§ 1
	I Nioqutissanik eqqussuineq annissuinerlu pillugit Inatsisartut inatsisaanni nr. 18, 30. oktober 1992-imeersumi, Inatsisartut inatsisaatigut nr. 38, 9. december 2015-imeersukkut kingullermik allangortinneqartumi makku allanguutigitinneqarput:
	1. Inatsimmi tamarmi peerneqarpoq: ”nr. 19, 30. oktober 1992-imeersoq”.
<i>Akitsuuteqarfiusoq</i>	2. Kapitali 2-p qulequtaa ima oqaasertaqarpoq: ”Akitsuuteqarfiusoq aamma akitsuutit akilerneqartussanngorfiat”
	3. § 6-ip kingornanut ilanngunneqarpoq: ”§ 6 a. Akitsuutit akitsuuteqarfiusumut tikinnermi akilerneqartussanngussapput, taamaattorli tak. imm. 2 aamma § 40. <i>Imm. 2.</i> Danmarkimiit Kalaallit Nunaat ornillugu umiarsuakkut usinik assartuinermi nioqutissanillu nassiussinermi akitsuutit akilerneqartussanngussapput piffissami, umiarsuup Danmarkimi umiarsualivinni aallarfissaani tamani aammalu aqputaani ingerlaarfiani usit nioqutissalluunniit usilersuunneqarfini.”
§ 7. Viinnit imigassallu kimittuut ethanolimik akullit, eqqussuinermi	4. § 7 ima oqaasertaqarpoq:

<p>akitsuutit pillugit Inatsisartut inatsisaanni nr. 19, 30. oktober 1992-imeersumi § 1, imm. 1, nr. 3-mi pineqartut taamaallaat akileraaruseriffiup akuersissuteqarneratigut akitsuuteqarfiusumut eqqunneqarsinnaapput, tassa eqqussineq inatsimmi tassani § 17 naapertorlugu imaluunniit eqqussuineri akitsuutit pillugit Inatsisartut inatsisaanni nr. 19, 30. oktober 1992-imeersumi § 2 aamma § 3 naapertorlugit pinngippat.</p> <p><i>Imm. 2.</i> Pisortat suliffeqarfiutaasa niuertarfiutaat, hoteliutaat, neriniartarfiutaat umiarsuaataallu kisiisa pinnagit taamaallaat suliffeqarfiit, imigassanik aalakoornartortalinnik nioqquteqarneq sassaalliisarnerlu pillugit Inatsisartut inatsisaat nr. 23, 30. oktober 1992-imeersoq naapertorlugu imigassanik aalakoornartortalinnik nioqquteqarsinnaasut akuersissummik tunineqars innaapput.</p> <p><i>Imm. 3.</i> Nioqqutissat imm. 1-imi taaneqartut akileraaruseriffiup akuersissuteqarneratigut eqqunneqarsinnaapput eqqussinissaq inunnut imaluunniit suliffeqarfinnut imm. 2-mi aalajangersakkanik naammassinnissimasunut inuussutissarsiutigalugu tuniniaaqqinnissamik siunertaqarpat.</p>	<p>”§ 7. Immiaaqqat, viinnit, imigassallu kimittuut ethanolimik akullit Nioqqutissanik eqqussuineri akitsuutit pillugit Inatsisartut inatsisaanni § 1, imm. 1, nr. 3-mi pineqartut taamaallaat akileraaruseriffiup akuersissuteqarneratigut akitsuuteqarfiusumut eqqunneqarsinnaapput, akitsuuteqanngitsumik eqqussineq inatsimmi uani § 11 imaluunniit § 17, imaluunniit Nioqqutissanik eqqussuineri akitsuutit pillugit Inatsisartut inatsisaanni § 2, imm. 2, aamma § 3, nr. 2 aamma 3, naapertorlugit pinngippat.</p> <p><i>Imm. 2.</i> Akileraaruseriffiup imigassanik aalakoornartortalinnik sassaalliisinaanermut akuersissummik peqartut immiaaqqanik, viinninik imigassanillu kimittuunik ethanolimik akulinnik imm. 1-imi taaneqartunik, inuussutissarsiutigalugu tuniniaaqqitassatut eqqussisinaanerannik akuersissuteqarfigisinnaavai.</p> <p><i>Imm. 3.</i> Akileraaruseriffiutaq inuit 18-inik ukiullit ukioqqortuneruulluunniit Kalaallit Nunaanni najugaqartut piffissalluunniit qanittup ingerlanerani Kalaallit Nunaanni najugaqalersussat immiaaqqanik, viinninik imigassanillu kimittuunik ethanolimik akulinnik nammineq atugassaminnik eqqussisinaanerannik ataasiartumik akuersissuteqarfigisinnaavai. Ataasiartumik akuersissut atorunnaassaaq nassiussat akuersissummi pineqartut tigusisussamatunniunneqarpata. Akileraaruseriffik ataasiartumik akuersissummik tunniussiumanngissinnaavoq, akileraaruseriffik siusinnerusukkut akuersissutaasut qassiuneri, eqqunneqartut annertussusii il.il. eqqarsaatigalugit isumaqaruni eqqussuineq nammineq atugassaannanut tunngasuunngitsaq.</p>
---	---

	<p><i>Imm. 4. Ataasiartumik akuersissutinik imm. 3-mi taaneqartunik tunniussinnginnermi piumasaqaatit makku naammassineqarsimassapput:</i></p> <p>1) Akileraaruseriffiup elektroniskiusumik qinnuteqaat nioqqutissat Kalaallit Nunaannut nassiussassatut tunniunneqarnissaat ullunik suliffiusunik ikinnerpaamik 5-inik sioqqullugu tigusimassavaa. Qinnuteqaat elektroniskiusumik immersugassaq akileraaruseriffiup suliarisimasaa atorlugu tunniunneqassaaq, nioqqutissallu nassiussaniittussat pillugit paasissutissanik erseqqissunik immersorneqassalluni, akileraaruseriffiup tamatuminnga ilitsersuina naapertorlugu.</p> <p>2) Nioqqutissat eqqunniarneqartut akitsuutaat, aamma imm. 5 naapertorlugu akiliisitsissut akileraaruseriffimmut akilerneqarsimassapput.</p> <p>3) Nioqqutissat umiarsuakkut timmisartukkulluunniit imaluunniit allakkatigut nassiussatut eqqunneqassapput.</p> <p><i>Imm. 5. Immiaaqqanik, viinninik imigassanillu kimittuunik ethanolimik akulinnik imm. 1- imi taaneqartunik nammineq atugassanik eqqussiniarluni ataasiartumik akuersissuteqarfigineqarnissamik qinnuteqarnermi, qinnuteqartup akiliisitsissut 250 kr.-iusoq, kiisalu tapiliussatut akitsuut eqqussuinnermi akitsuutit naatsorsorneqartut 50 pct.-iattut angitigisoq akilissavai. Akiliisitsissut tapiliussatullu akitsuut kingusinnerpaamik akilerneqassapput qinnuteqaatip tunniunneqarnerani.”</i></p>
<p>§ 8. Immiaaqqat ethanolimik akullit, eqqussuinnermi akitsuutit pillugit Inatsisartut inatsisaanni nr. 19, 30. oktober 1992-imeersumi pineqartut</p>	<p>5. § 8 atorunnaarsinneqarpoq.</p>

<p>Naalackersuisut akuersissuteqarnerisigut aatsaat akitsuuteqarfiusumut eqquneqarsinnaapput, tassa eqqussineq, inatsimmi uani § 17 naapertorlugu imaluunniit eqqussuinermi akitsuutit pillugit Inatsisartut inatsisaanni nr. 19, 30. oktober 1992-imeersumi § 1 aamma § 3 naapertorlugit pinngippat.</p>	
<p>§ 12, imm. 1 Akuersissutit § 7-imi § 8-milu taaneqartut, inatsisit allat naapertorlugit nioqquteqarnerup unitsinneqarneranut imaluunniit killilersuinermik aqqissuussinermut atatillugu atorunnaarsinneqarsinnaallutilluunniit utertinneqarsinnaapput.</p>	<p>6. § 12, imm. 1, ima oqaasertaqarpoq: ”Akuersissutit § 7-imi taaneqartut, inatsisit allat naapertorlugit tuniniaaqquisunnaartoqarnerani imaluunniit killilersuinermik aqqissuussisoqarnerani Naalackersuisunit atorunnaarsinneqarsinnaapput uterteqquneqarsinnaallutilluunniit.”</p>
<p>§ 15, imm. 1 Nioqqutissanik Kalaallit Nunaanni inuussutissarsiutigalugu nioqqutissiornermi § 14 aammalu nioqqutissanik eqqussuinermi akitsuutit pillugit Inatsisartut inatsisaat nr. 19, 30. oktober 1992-imeersaq naapertorlugit akitsuutinik akilerneqarsimasunik Naalackersuisut utertitsisinnaapput.</p>	<p>7. § 15, imm. 1, ima oqaasertaqarpoq: ”Nioqqutissat Kalaallit Nunaanni inuussutissarsiutigalugu nioqqutissianut allanut, aamma nioqqutissanut akitsuusigassanut atorneqartut akitsuutaat, § 14 aamma Nioqqutissanik eqqussuinermi akitsuutit pillugit Inatsisartut inatsisaat naapertorlugit akilerneqarsimasut Naalackersuisunit utertinneqarsinnaapput.”</p>
<p>§ 15. <i>Imm. 2.</i> Nioqqutissanik eqqussuinermi akitsuutit pillugit Inatsisartut inatsisaat nr. 19, 30. oktober 1992-imeersaq naapertorlugu nioqqutissat, Kalaallit Nunaanni inuussutissarsiutigalugu nioqqutissanik allanik nioqqutissiornermi atorneqartut akitsuutaat akilerneqarsimasut Naalackersuisunit utertinneqarsinnaapput.</p>	<p>8. § 15, imm. 2, atorunnaarsinneqarpoq.</p>
	<p>9. § 16-ip kingornanut ilanngunneqarpoq: ”§ 16 a. Nioqqutissat kukkusumik akitsuusertinneqarsimasut, tammarsimasut, ajoqusersimasut, tillinneqarsimasut, suujunnaarsinneqarsimasut imaluunniit</p>

	<p>sumiiffinnut, Kalaallit Nunaata illersorneqarnissaa pillugu isumaqatigiissut 27. april 1951-imeersoq naapertorlugu illersornissamut sakkutooqarfiusunut anninneqartut akitsuutaannik utertitsisarneq pillugu maleruagassat Naalakkersuisunit aalajangersarneqarsinnaapput.</p> <p><i>Imm. 2.</i> Imm. 1 naapertorlugu utertitsinerni akiliisitsissummik 1.000 kr.-it qaangernagit angissusilimmik aammalu aningaasat utertinneqartut procentinngorlugu ilaannik akiliisitsinissaq pillugu maleruagassat Naalakkersuisunit aalajangersarneqarsinnaapput.</p> <p><i>Imm. 3.</i> Akitsuutinik utertitsinerni qinnuteqaatip, immersugassaq assigisaaluunniit akileraaruseriffimmit atoqquneqartoq atorlugu digitaliusumik akileraaruseriffimmut tunniunneqarnissaa, uppersaammillu, soorlu fakturamik, nassiussat allagartaannik, akitsuutit allagartaannik uppersaataasinnaasunillu allanik qinnuteqaammut ilanngussisoqarnissaa Naalakkersuisut aalajangersinnaavaat.”</p>
<p>§ 22, imm. 1 Nioqutissanik eqqusuinermi akitsuutit pillugit Inatsisartut inatsisaat nr. 19, 30. oktober 1992-imeersoq naapertorlugu akitsuutit nioqutissat akitsuuteqarfiusumut eqqunneqarneranni akiligassanngussapput.</p>	<p>10. § 22, imm. 1, ima oqaasertaqarpoq: ”Nioqutissanik eqqusuinermi akitsuutit pillugit Inatsisartut inatsisaat naapertorlugu akitsuutit, nioqutissat akitsuuteqarfiusumut eqqunneqarneranni akiligassanngussapput, taamaattorli tak. § 7, imm. 4, nr. 2.”</p>
<p>§ 26. <i>Imm. 2.</i> Nioqutissat tigummineqarallartut akitsuutaat akitsuummik akiliuteqarnissap atuutilerneraniit qaammatit marluk qaangiutsinnagit akilerneqanngippata, nioqutissat tamanut ammasumik akitsorterussinikkut tuniniarneqassapput. Nioqutissalli akileraaruseriffiup isumaa</p>	<p>11. § 26, imm. 2, ima oqaasertaqarpoq: ”<i>Imm. 2.</i> Akitsuutinut pillaaammillu akiliisitsissummik akiligassat aamma suliap sularineqarnerani aningaasartuutit akilerneqareerpata nioqutissat tigummigallarneqartut arsaarinnissutigineqartulluunniit, eqqusuinermi maleruagassat</p>

<p>naapertorlugu atorsinnaanngitsut naleqanngitsulluunniit piffissarititap qaangiunneratigut akitsuutunik nakkutilliisut najuuttoralugit suujunnaarsinneqassapput. Akitsorterussinermiit ukioq ataaseq qaangiutsinnagu nioqqutissanik tiguisusaaq akitsorterussinikkut tunisat nalinginik piumasaqaateqanngippat, akitsorterussinermi isertitat aningaasartuutit peereerlugit landskassemut nakkartinneqassapput. Nioqqutissanik tiguisusaaagaluumut aningaasanik tunniussisoqassatillugu, akitsuutit suliakkersuinernullu akiliutissat kiisalu tigumminnikkallarnermi tuniniaanermilu aningaasartuutit ilanngaatigineqartas sapput.</p>	<p>nalinginnaasumik atuuttut malilluinnarlugit inummut nioqqutissanik pisassaqaarnerminik uppernarsaasumut tunniunneqassapput.”</p>
	<p>12. § 26, imm. 2-p kingornanut ilanngunneqarpoq: <i>”Imm. 3. Nioqqutissat tigummigallarneqartut akitsuutaat akitsuutit akilerneqartussanngorfiisa kingorna qaammatit marluk qaangiutsinnagit akilerneqanngippata, nioqqutissat akitsorterussinikkut nalunaarutigineqareersimasukkut Kalaallit Nunaanni ileqqusut malillugit tuniniarneqassapput. Nioqqutissalli akileraaruseriffiup isumaa malillugu atorsinnaanngitsut tunineqarsinnaanngitsulluunniit piffissaliussap qaangiunnerani nakkutigisaasumik suujunnaarsinneqarsinnaapput. Aningaasat akitsorterussinermi isertinneqartut siullermik pisortat toqqortarinninneranni tuniniaanerannilu aningaasartuutitut matussutigineqassapput, tulliullugit akitsuutitut pillaammillu akiliisitsissummut akiligassat aamma suliap suliarineqarnerani</i></p>

	<p>aningaasartuutit. Sinneqartoorutaajunnartut piginnittumut tunniunneqassapput, taanna akitsorterussinerup kingorna ukioq ataaseq qaangiutsinnagu saaffiginnippat nioqutissanillu tunineqartunik piginnittuunerminik uppersaappat.</p> <p><i>Imm. 4.</i> Nioqutissat anngiortumik eqqussinermi eqqusseriaraluarnermiluunniit nassatarineqartut tigummigallarneqassapput. Nioqutissat anngiortumik eqqussat nioqutissalluunniit allat akitsuutaat pisortanut akilinngitsoorneqartut akilinngitsoorneqariaraluartulluunniit aamma tigummigallarneqarsinnaapput arsaarinnissutigineqarlutilluunniit, arsaarinnissutaasariaqartut pillugit maleruagassat eqqartuussisarnermi inatsimmi aalajangersarneqarsimasut malilluinnarlugit.”</p>
<p>§ 29, imm. 1 Suliffeqarfiit umiarsuartigut timmisartutigullu angalasunik assartuussisartut, imaluunniit angalassissutip ingerlatitsisua, nakkutilliinerup suliarineqarnissaanut pisariaqartinneqarlutik paasissutissiinerit aamma takussutissiisinaanermut pisussaaffeqartitsineq, matumani ilanngullugit angalassissutip suussusaanik paasissutissiissallutik, inuttat, ilaasut aamma taakku nassataasa nalunaarsorneqarnerinik paasissutissat aammalu usigisat pillugit paasissutissiinerit pisussaaffigivaat, taamatuttaarlu usiisiviit, init aammalu ilitsiviit takuneqarnissaannut, ammarneqarnissaannut iserfigineqarnissaannullu periarfissiissallutik. Akileraaruseriffiup eqqartuussivinnit aalajangiinertaqanngitsumik takusaqarumalluni, ammaqqusilluni</p>	<p>13. § 29, imm. 1, ima oqaasertaqarpoq: ”Suliffeqarfiit timmisartukkut umiarsuakkullu angallassinermik ingerlataqartut, aamma angallatip naalagaa paasissutissat nakkutilliinerup isumagineqarnissaanut pisariaqartut, matumani aamma angallammut, inuttanut, ilaasunut taakkulu nassataannut nalunaarsorneqartunut kiisalu usinut tunngasut paasissutissiissutigissallugillu uppersarsallugit, kiisalu lastimut, ininut toqqorsivinnullu iserfissat tamaasa takutissallugit ammassallugillu imaluunniit qulaassallugit pisussaapput. Akileraaruseriffiup eqqartuussivimmit akuersissummik peqanngikkaluarluni iserfissat taakku takutinneqarnissaat, ammarneqarnissaat qulaarneqarnissaalluunniit aammalu misissuiffiginissaat piumasarisinnaavaa.”</p>

<p>imaluunniit tamakkua iserfigineqanginnissaanik peqqusilluni piumasaqarsinnaavoq taakkuninngalu misissuilluni.</p>	
<p>§ 29. <i>Imm. 3.</i> Akileraartarnermut Aqutsisoqarfiup ilaasunik angallasseqatigiiffiit, inuit akitsuuteqarfiusumukarlutik tassanngaanneerlutilluunniit angalasut pillugit paasissutissanik, matumani aamma ilaasunik angallasseqatigiiffiit elektroniskiusumik paasissutissaataannik takunnissinnaanissamik piumaffigisinnaavai. Paasissutissat Akileraartarnermut Aqutsisoqarfiup ilaasunik angallasseqatigiiffiit paasissutissaataannik toqqaannartumik takunnissinnaaneraticut pissarsiarineqartut Akileraartarnermut Aqutsisoqarfiup paasissutissaataasiviinut elektroniskiusumik nuunneqarsinnaanngillat toqqaannartumilluunniit toqqorneqarsinnaanatik.</p>	<p>14. § 29, imm. 3, ima oqaasertaqarpoq: ”<i>Imm. 3.</i> Akileraaruseriffik inuit akitsuuteqarfiusumut akitsuuteqarfiusumiillu angalasut pillugit paasissutissanik selskabimut angallassisuusumut piumasaqarsinnaatitaavoq, matumani aamma selskabip angallassisup elektroniskiusumik paasissutissiviinut isernikkut. Paasissutissat akileraaruseriffiup selskabip angallassisuusup paasissutissiviinut toqqaannartumik isersinnaanermigut pissarsiai akileraaruseriffiup qarasaasiatigut atortuinut elektroniskiusumik nuunneqassanngillat toqqaannartumilluunniit toqqorneqassanatik.”</p>
<p>§ 29. <i>Imm. 7.</i> Inuit misissuineq naammassineqartinnagu angallammut isernissaat tassanngaanniillu aninissaat kiisalu nioqputissanik eqquassinisaaq annissinissarlunniit Akileraartarnermut Aqutsisoqarfiup itigartitsissutigisinnaavaa. Aamma angallatip misissuineq naammassineqartinnagu misissuiffiusumik qimatsinissaa Akileraartarnermut Aqutsisoqarfiup ajornartissinnaavaa.</p>	<p>15. § 29, imm. 7, ima oqaasertaqarpoq: ”<i>Imm. 7.</i> Akileraaruseriffiup inuit angallammut isernissaat tassanngaluunniit aninissaat kiisalu nioqputissanik eqqussisoqarnissaa annissisoqarnissaaluunniit, nakkutilliinerup naammassinissaata tungaanut inerteqputigisinnaavaa.”</p>
<p>§ 32 a. <i>Imm. 2.</i> Nunani allani sumiiffiit sumiiffiillu Kalaallit Nunaanni akitsuuteqarfiusumiittut akornanni</p>	<p>16. § 32 a, imm. 2, ima oqaasertaqarpoq: ”<i>Imm. 2.</i> Nunani allani sumiiffiit sumiiffiillu Kalaallit Nunaanni akitsuuteqarfimmiittut akornanni ilaasunik</p>

<p>ilaasunik angallassisarnissanik pilersitsisoqartillugu ininik pisariaqartunik atortulersugaasunik pisatsersugaasunillu, ilaasut il.il. misissorneqarnissaanni atugassiisoqarnissaa akileraaruseriffiup imminut aningaasartuutaanngitsumik peqqussutigisinnaavaa.</p>	<p>angallassisarnissanik pilersitsisoqartillugu ininik pisariaqartunik atortulersugaasunik pisatsersugaasunillu, ilaasut il.il. misissorneqarnissaanni atugassiisoqarnissaa akileraaruseriffiup imminut aningaasartuutaanngitsumik peqqussutigisinnaavaa. Akileraaruseriffiulli isumagissavai atortunut, matumani aamma teknikkimut atortunut, ilaasut il.il. eqqussuinerannik nakkutilliinermi taamaallaat atorreqartussanut aningaasartuutit.”</p>
<p><i>Naammagittaalliorfissat</i></p>	<p>17. Kapitali 8-p qulequtaa imaa oqaasertaqarpoq: <i>”Timmisartunut ilaasut nammineq piumassutsiminnik akitsuusiisitsinnaanerat”</i></p>
	<p>18. Kapitali 8-p qulequtaata kingornanut ilanngunneqarpoq: ”§ 35 a. Nunamut maanga tikinnermi timmisartunut ilaasut nioqqutissat akitsuusigassat nammineq atugassamittut nassatatik nammineq piumassutsiminnik akitsuusertissinnaavaat, taamaattorli tak. imm. 2. <i>Imm. 2.</i> Nioqqutissanik, Nioqqutissanik eqqussuinermi akitsuutit pillugit Inatsisartut inatsisaanni § 1, nr. 3-mi, nr. 7-imi, nr. 8-mi, nr. 9-mi nr. 10-milu taaneqartunik nammineq piumassutsimik akitsuusiisitsinermi amerlassutsit tikinnermi akitsuuteqanngitsumik eqqunneqarsinnaasut tallimariaataannit amerlanerusinnaanngillat. Amerlassutsit tikinnermi akitsuuteqanngitsumik eqqunneqarsinnaasut tallimariaataannit amerlaneruppata, amerlanaarlugit eqqussat arsaarinnissutigineqassapput. Arsaarinnissutit Nunatta karsianut iluaqutissanngortinneqassapput.</p>

	<p><i>Imm. 3.</i> Nioqutissanik imm. 2 naapertorlugu nammineq piumassutsimik akitsuusiisitsinnaapput inuit 18-inik ukiullit ukioqqortunerusulluunniit.</p> <p><i>Imm. 4.</i> Nammineq piumassutsimik akitsuusiisitsinermi nioqutissat akitsuusigassat nassarneqartut eqquusuinermi akitsuutaat kiisalu sullissinermi akiliisitsissut Naalakkersuisunit aalajangersarneqartoq 1.000 kr.-inillu anginerunngitsoq akilerneqassapput. Tikittup akitsuut, sullissinermi akiliisitsissut immaqalu pillaammik akiliisitsissut pineqartup nakkutilliivimmik qimatsisinnani akilinngippagit nioqutissat Nunatta karsianut iluaqutissanngorlugit arsaarinnissutigineqassapput.”</p>
<p>§ 46, imm. 1 Nioqutissanik, Inatsisartut inatsisaanni matumani § 7-imi, § 8-mi, § 9-mi aanuna § 10-mi pineqartunik akuersissummik peqarani piaaraluneerluni mianersuaalliorujussuarluniluunniit eqquussisoq akiliisinneqarsinnaavoq.</p>	<p>19. § 46, imm. 1, ima oqaasertaqarpoq: ”Kinaluunniit akuersissummik pisariaqartumik peqarani piaaraluneerluni mianersuaalliorujussuarluniluunniit nioqutissanik § 7-imi, § 9-mi § 10-milu pineqartunik eqquussisoq imaluunniit nioqutissanik § 35 a, imm. 2-mi pineqartunik nammineq piumassutsiminik akitsuusiisitsinani eqquussisoq pillaammik akiliisinneqarsinnaavoq.”</p>
<p>§ 46. <i>Imm. 3.</i> Nioqutissat, Inatsisartut inatsisaanni matumani § 7-imi, § 8-mi aamma § 9-mi pineqartut akuersissummik peqarani eqqunneqarpata, taakkua, taakkualuunniit peqanngippata aningaasanngorlugu nalingat, arsaarinnissutigineqas sapput.</p>	<p>20. § 46, imm. 3, ima oqaasertaqarpoq: ”<i>Imm. 3.</i> Akuersissummik pisariaqartumik peqarani nioqutissat § 7-imi § 9-milu pineqartut eqqunneqarpata, nioqutissalluunniit taamaattut nammineq piumassutsimik akitsuusertinnagit imaluunniit amerlassusissat § 35 a, imm. 2 naapertorlugu eqqunneqarsinnaasut sinnerlugit eqqunneqarpata nioqutissat taakku, nioqutissalluunniit peqanngippata taakku aningaasanngorlugu nalingat arsaarinnissutigineqassapput.”</p>
<p>§ 46.</p>	<p>21. § 46, imm. 5, ima oqaasertaqarpoq:</p>

<p><i>Imm. 5.</i> Akiliutit atoriaannaat 15.000 euro sinnerlugu nalillit, § 30, imm. 4 aamma § 30, imm. 5 naapertorlugu akileraaruseriffimmiut missuinerannut atatillugu nassaarineqartut taakkunannga arsaarinnissutigineqarsinnaapput. Arsaarinninneq pisinnaavoq, akiliutit atoriaannaat pinerluttulerinermi inatsit unioqqutillugu pissarsiarineqarsimasutut imalt. taamatut atorineqarnissaat aarleqqutigineqarpat. Arsaarinnittoqassatillugu, eqqartuussisarneq pillugu inatsisip kapitalia 37 naapertorlugu arsaarinninneq ingerlanneqartassaaq.</p>	<p><i>”Imm. 5.</i> Aningaasat atoriaannaat 50.000 kr.-t sinnerlugit nalillit, akileraaruseriffiullu § 30, imm. 4 aamma 5 naapertorlugit nakkutilliinerani nassatarineqartut akileraaruseriffimmit tigummigallarneqarsinnaapput. Tigumminnikkallarneq pisinnaavoq aningaasat atoriaannaat pinerluttulerinermik inatsimmik unioqqutitsinikkut pissarsiaasimasinnaaneratt unioqqutitsinissamulluunniit atorineqarsinnaaneratt pasitsaassimaneqarpat. Tigumminnikkallartoqartillugu eqqartuussisarnermi inatsimmi kapitali 37, arsaarinnissuteqartarnermut tunngasoq atuutissaaq.”</p>
	<p style="text-align: center;">§ 2</p> <p>Inatsisartut inatsisaat atortuulerpoq ulloq 1. januar 2024, taamaattorli tak. imm. 2.</p> <p><i>Imm. 2.</i> § 1, nr. 18, nalunaarutikkut atortuulerpoq. Ullut atortuulerfiit assigiinngitsut timmisartoqarfinnut assigiinngitsunut attuuttussat Naalakkersuisunit aalajangersarneqarsinnaapput.</p>

Tusarniaaneq pillugu allakkiaq

Tusarniaarnerup kingorna Royal Arctic Line A/S-mit, Kommune Kujalleq, Aalisarnermut Piniarnermullu Naalakkersuisoqarfimmit, Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfik kiisalu Sulisitsisunit tusarniaanermut akissutit tiguneqarput.

Tullinguuttuni akissutit tusarniaanerup nalaani takkuttut suliarineqassapput. Erseqqissarneqassaaq, tusarniaanermut akissutit uingasumik allaqqammata, taakkulu pingaassusai tunngavigalugit isuarneqarlutik.

Tusarniaaffigisat siunnersuummut oqaaseqaateqanngillat.